


蘇東坡詩集

游覽卷之上 卷之二

紀行卷之一

題言上

特別
^18
37
4





和
門
號
卷

蘇東坡詩集注卷第一

金華

呂

祖謙

伯恭



永嘉

王

十朋

龜齡

纂輯

新安後學朱

從延

翠庭

重校

紀行

壬寅二月有詔令郡吏分往屬縣減決囚禁自十三日受命出府至寶雞號郿整屋

四縣既畢事因朝謁太平宮而宿於南谿谿堂遂並南山而西至樓觀大秦寺延生觀仙游潭十九日乃歸作詩五百言以記凡所經歷者寄子由

趙次公壬寅嘉祐七年也鳳翔有十縣曰天興曰岐山曰扶風

文蔚堂

白盤屋曰郿曰寶雞曰號曰麟遊曰普潤曰好時故有詔
減決囚禁則令郡吏分往屬縣而先生所得則寶雞號郿
盤屋四縣也王十朋案年譜嘉祐七年壬寅先生
年二十七在鳳翔任二月奉詔決囚故有此詩

遠人罹水旱。王命釋俘囚。分縣傳明詔。循山得勝

游。蕭條初出郭。曠蕩實消憂。次公漢書有曠蕩之恩薄莫來孤

鎮。登臨憶武侯。程續鎮即武成鎮也俗謂之石鼻寨孔明所築蓋
其鎮在寶雞東相傳孔明嘗圍郝昭於陳倉築此

城以拒。崢嶸依絕壁。次公選有南北崢嶸刻削
崢嶸又詩云晨策尋絕壁蒼茫瞰奔流。

次公蒼茫兩字古人用之皆是平聲而先生所用乃是仄聲蒼字廣韻音
靡朗而茫字上聲之莽去聲之滂皆不收不知先生用之所出以俟博聞

半夜人嗥急。橫空火氣浮。天遙殊不辨。風急已難

收。曉入陳倉縣。續陳倉秦漢舊縣唐改為寶雞次公曰前漢地理
志係之右扶風即鳳翔府矣地志載三秦記云陳

倉以山得名山有石雞與山雞不別趙高燒山山雞飛去而石雞
不去晨鳴山頭聞三十里蓋玉雞也自唐至德二載更名寶雞 猶餘

賣酒樓。煙煤已狼籍。吏卒尚呀咻。公自注十三日宿武成
鎮即俗所謂石鼻寨也

云孔明所築是夜二鼓寶雞火
作相去三十里而見於武成雞嶺雲霞古。龍宮殿宇幽。縣有
雞爪

峰龍宮寺云陳師道雞爪峰在寶雞之東秦文公獲若石二于陳倉北阪
城祠之其神從東方來光輝若雉雌雄集于祠城其聲殷殷野雉皆鳴秦
因立寶雞祠雞爪南山連大散。李厚縣南乃大
散關秦蜀通塗歸客走吾州。

次公指言蜀中也走音奏漢書文帝指
示慎夫人新豐道曰此走邯鄲道也欲往安能遂。將還為少

留。回趨西虢道。續西虢統叔所封平王東
遷虢徙上陽故謂之南虢却渡小河洲。聞

道礧溪石。猶存渭水頭。蒼崖雖有跡。大釣本無鉤。

十四日自寶雞行至號聞太公磻溪石在縣
東南十八里猶有投竿跪餌兩鄰所著之處東去過郿塢。孤城

象漢劉。十五日至郿縣有董卓築塢於郿號萬歲塢
之小長安續董卓築塢於郿號萬歲塢誰言董公健。續表
紹傳

卓議廢立秦紹勃然曰
天下健者何必董公竟復伍孚讎。李厚越騎校尉伍孚忿卓凶毒
懷佩刀刺之不中左右執孚孚大

言曰恨不得磔
裂姦賊於都市白刃俄生肘。師道王允與呂布謀誅卓令李肅以戟
刺之衷甲不入卓驚呼布所在布曰有

詔遂殺卓黃魯直潘子真詩話補遺曰杜詩當
知肘腋事自及梟獍徒肘腋是趙滅智伯事黃金謾似丘。師道卓
郿塢中

文蔚堂

珍藏有金二三萬斤銀八續平生聞太白續太白山在武功縣諺云武功太白去天三百言其高也

乃往郿縣之道洪駒父三十六洞天記第十一太白山洞周一見駐行

回五百里鬼谷子於此授蘇秦佐國之術祠廟皆在長安

駟鼓角誰能試風雷果致不巖崖已奇絕冰雪更

凋鏤次公選賦云木不凋鏤春早憂無麥山靈喜有湫蛟龍懶

方睡是日晚自郿起至青秋鎮宿道過太白山相傳云軍行鳴鼓角過山下輒致雷雨山上有湫甚靈以今歲早方議取之次公偷字韻蓋方言取龍水謂之偷湫也洪龜父莊子列禦寇篇河上有子得珠其父曰珠在驪龍頷下子能得珠者必遭其睡也饒德操北夢瑣言江南沿江多蘆荻冬月縱火焚多燒起睡龍二曲林泉勝次公此下皆是述賦右極盤屋并卷鄆鄆之下李善注云盤屋山名寰宇記長安志皆云山曲曰盤水曲曰屋故今云二曲也三川氣象侔

續古謂伊洛河為三川唐以劍南東西及山南西道為三川

近山麩麥早臨水竹篁修十六日

盤屋以近山地美氣候殊早

先帝膺符命次公此下一段專言翊聖將軍事先帝謂太宗皇帝也揚雄傳行宮畫冕旒次公玉藻天子之冕藻十有二旒侍臣簪武弁

爰清淨作符命

女樂抱笙篴

次公笙篴之制二十三絃李賀笙篴引云二十三絃動

后土用樂作笙篴漢書禱祠太一后土作坎侯應劭注使樂工侯服作之

調其聲坎坎應節因其姓號名作坎侯蘇林注作笙篴續漢紀靈帝好

胡舞作笙篴數說不同要之皆非雅聲也陳無己許亨周云笙篴狀如張箕探手摘絃出聲

秘殿開金鎖神人

控玉蚪竟卿司馬相如賦曰乘鏐象六玉蚪黑衣橫巨劍被髮凜雙眸十七日

盤屋東南行二十餘里朝謁太平宮二聖御容此宮乃太宗皇帝時有神

降於道士張守真以告受命之符所為立也神封翊聖將軍有殿徐師川

翊聖係德真君傳云乾德中太宗皇帝在晉邸頗聞靈應遣近侍致醮太

祖皇帝設醮於建隆觀真君降言曰吾乃高天大聖玉帝輔臣降衛宋朝

社稷來定遐長基業凡百餘言僧祖可劉燾曰翊聖像皆被髮跣足仗劍擾龍相承舊矣

邂逅逢佳士相將

弄綵舟投篙披綠荇濯足亂清溝晚宿南谿上森

如水國秋遶湖栽翠密終夜響颼颼是日與監官張果

宿于谿堂竟卿南谿之上遶湖松竹翠

密茂林廣雅曰小風曰颼涼風曰颼冒曉窮幽邃操戈畏炳

彪十八日循終南而西將尉以甲卒見送或云近官竹園往往有虎尹

次公炳彪以言虎則揚子云大人虎變其文炳也說文云虎文曰彪

尹

生猶有宅

十朋本篇公自注云崇聖觀謂樓觀乃尹喜舊宅也

老氏舊停朝

厚尹喜為函谷關令

尹候氣知真人西游當過此老子乘青牛薄板車出關喜曰子將隱矣為我著書乃授道德經

問道遺蹤在登山

往事悠馭風歸汗漫

續列子馭風而行淮南子曰有若士者謂盧敖曰子處矣吾與汗漫期于九垓之上

閱世似蜉蝣

厚郭璞詩借問蜉蝣輩寧知龜鶴年

羽客知人意

鞦韆不辭山寺遠

堯卿舊注云有太平宮道士趙宗有抱琴見送至寺作鹿鳴之引乃

帝子傳聞李

次公帝子即先生本注唐玉真公主也堯卿唐睿宗之女字持盈始封長昌縣主俄進號上清元都

大洞三皇師天寶三年上言曰妾高宗之孫睿宗之女陛下之文弟於天命帝許之與金仙公主皆為道士林子仁青城山記玉真公主肅宗之姑也築室丈人觀玉真金仙二宮主真容見作

品堂髣髴

次公女仙列傳載西王母姓緱其所居有玄碧之堂師川周靈王太子緱乘白鶴於緱氏山頭舉手謝時人而去其地即今河南緱氏縣會稽也

輕風幃幔卷落日髻鬟愁

次公此以狀玉真遺跡之景而追傷之也

入谷驚蒙密登坡費挽樓

次公選詩有尊者攀蒙密挽樓亦挽也

槩

洪玉父唐王建温門山詩云曉入温門山羣峰亂如戟

一水澹如油

堯卿白樂天詩噴時千點雨澄處一泓油

使何年到金龍自古投

次公此言朝廷遣內官投金龍於潭以祈禱者也自唐以來謂之中使杜詩云

中使日夜繼韓子蒼東齋記事道家有金龍玉簡學士院撰文具一歲中齋醮投于名山洞府金龍以銅制玉簡以階石制

千重橫

翠石百丈見游儵

次公儵者浮陽之魚音綉莊子與惠子游于濠上儵魚出游故謂之游儵堯卿沈約詩云百丈

最愛泉鳴洞初嘗雪入喉滿餅雖可致洗耳歎

無由

是日游崇聖觀俗所謂樓觀也乃尹喜舊宅山脚有授經臺尚在遂與張杲之同至大秦寺早食而別有太平宮道士趙宗有抱琴

見送至寺作鹿鳴之引乃去又西至延生觀觀後上小山有唐玉真公主修道之遺跡下山而西行十數里南入黑水谷谷中有潭名仙游潭上有寺三倚峻峰面清溪樹林深翠怪石不可勝數潭水以繩繩石數百尺不得其底以瓦礫投之翔揚徐下食頃乃不見其清澈如此遂宿于中興寺

寺中有玉女洞洞中有飛泉甚甘明

忽憶尋墓培

續唐張祐新水日以泉一餅歸至郡又明日乃至府

峽石中突而洩水獨清冷石狀如龜頭俗謂蝦蟆石其水煎茶為第一

次

公昔先生與子由自眉州鄉里舟行趨京師過峽州蝦蟆培從舟中望之

方冬脫鹿裘

師尹東漢虞延傳晏子輔齊鹿裘不

頤頤口吻甚類蝦蟆也尋泉源入洞

石氣清寒流泉出石骨若虬龍吼

晏子輔齊鹿裘不

文蔚堂

一筆轉換不復屬對蓋杜體而甚之

完晏子布衣鹿裘以朝公曰夫子之家若此其貧也奚衣之惡也

山川良甚似水石亦堪儔

惟有泉傷飲無人自獻酬

昔與子由游墓培時方冬洞中温温如二三月

太白山下早行至橫渠鎮書崇壽院壁

馬上續殘夢不知朝日昇亂山橫翠幃落月澹孤

燈奔走煩郵吏安閒媿老僧再遊應眷眷聊亦記

吾曾

二十六日五更起行至磻溪未明

任居實嘉祐七年在

鳳翔作

夜入磻溪如入峽照山炬火落驚猿山頭孤月耿

猶在石上寒波曉更喧至人舊隱白雲合

次公至人舊隱以言

神物已化遺蹤蜿

次公神物言龍磻溪有龍於此地禱雨也

安得夢隨霹

震駕

續酉陽雜俎李廓在北都介休百姓送解牒上晉祠宇下夜有人叩門云介休王暫借霹靂車至介休收麥良久數人共持一物如

為客嘗夜投宿一巨宅有老婦延之中夜叩戶甚迅婦變色曰天符至矣

馬上傾倒天瓢翻

次公意用李清

實告靖曰老婦龍也二子俱出今天命行雨欲煩一行即以一竿使跨之

以一瓢與之曰跨此所至以楊枝灑瓢水則雨也此詩意主禱雨故用此

力不能舉便沈於泉遂覓不得所謂天瓢殆此類也

是日自磻溪往陽平憩於麻田青峰寺之

下院翠麓亭

不到峰前寺空來渭上邨此亭聊可喜脩徑豈辭

捫谷映朱闌秀山含古木尊路窮驚石斷林缺見

河奔馬困嘶青艸僧留薦晚餐我來秋日午旱久

石牀温安得雲如蓋

師尹三水小牘唐皇甫收撰云安定郡有峴陽峰峰上有池若雨則雲起池中若車

蓋然故里諺曰山張蓋雨能令雨瀉盆續杜詩白帝城頭雲若屯白帝城下雨翻盆共看山下

稻涼葉晚翻翻

二十七日自陽平至斜谷宿於南山中蟠

龍寺

橫查晚渡碧澗口次公謝靈運詩銅陵映碧澗騎馬夜入南山谷音

谷中暗水響瀧瀧嶺上疎星明煜煜寺藏崑底千

萬仞路轉山腰三百曲風生饑虎嘯空林月黑驚

麈竄脩竹入門突兀見深殿次公杜甫宿贊上人房詩夜深殿突兀風動金琅璫照

佛青熒有殘燭媿無酒食待游人旋斫杉松煮溪

藪板閣獨眠驚旅枕木魚曉動隨僧粥起觀萬瓦

鬱參差日亂千巖散紅綠門前商賈負椒苻山後

咫尺連巴蜀何時歸耕江上田一夜心逐南飛鵠

是日至下馬磧憩於北山僧舍有閣曰懷

賢南直斜谷西臨五丈原諸葛孔明所從

出師也

南望斜谷口三山如犬牙西觀五丈原鬱屈如長

蛇次公案長安志引水經注曰斜水北歷斜谷過五丈原亦謂之武功水又曰武功蓋在渭水南郿縣北是今先生禱雨於號縣之磻溪故所經由望見郿縣之五丈原李商老唐李筌曰營壘之法據山憑岡如蟠龍走蛇有懷諸葛公萬騎出漢

巴續案蜀志建興十二年諸葛亮悉大眾由斜谷出以流馬運據武功五丈原與司馬仲達對於渭南分兵屯田為久駐之基吏士

寂如水蕭蕭聞馬櫓公才與曹丕豈止十倍加厚諸葛亮

顧瞻三輔間季希聲三輔黃圖曰三輔治所京兆在故城內

尚冠里馮翊在故城內太上皇廟西南扶風在夕陽街北三輔者謂主爵中尉及左右內史漢武帝改曰京兆尹左馮翊右扶風共治長安城中是

傳先主病篤召亮謂曰君才十倍曹丕必能安國家定大事

文蔚堂

為三輔後漢光武之後扶風出治楓里馮翊出治高陵勢若風卷沙一朝長星墜續諸葛亮傳注

載晉陽秋曰有星赤而芒角自東北西南流投于亮營俄而亮卒亮也蓋魯臧統敗于孤駘國人逆喪者皆髮天公言緣竟使蜀婦髻厚記曰婦人髻而

亮之死將遂敗亡而蜀士卒之妻服其夫之喪而髻也自敗于孤駘山僧豈知此

一室老煙霞往事逐雲散故山依渭斜天公案長安志引水經曰渭水

經行武功縣北則渭在此矣客來空弔古清淚落悲笳

往富陽新城李節推先行三日留風水洞

見待汪洋案富陽縣圖經云縣管十鄉前地理志秦分三十六郡富春屬會稽漢哀帝封河間孝王慶丁元為富春侯晉武帝太元中避簡文鄭太后諱改曰富陽

起得活動

春山礫礫鳴春禽此間不可無我吟路長漫漫倚

江浦此間不可無君語金鯽池邊不見君夏倪案先生詩話云

舊讀蘇子美六和塔詩松橋待金鯽竟日獨遲留初不喻此語及俸錢塘乃知寺後池中有此魚如金色也昨日復遊池上投餽餌乃略出不食復

入則此魚自珍貴蓋久矣晁冲之案圖經開化寺開寶三年建僧智曇即此建六和塔金魚池在寺後山澗水底有金鯽魚追君直

過定山邨張孝祥案杭州圖經定山在錢塘舊治之西南四十里楊符太平寰宇記云定山突出浙江數百丈路人

皆言君未遠騎馬少年清且婉風巖水穴舊聞名

只隔山溪夜不行溪橋曉溜浮梅萼知君繫馬巖

花落出城三日尚透遲妻孥怪罵歸何時世上小

兒誇疾走如君相待今安有次公先生詩案云熙寧七年二月二十七日在杭州游風水洞

留題詩言世上小兒誇疾走意在譏諷世人多務急進不顧大體也

新城道中二首王立之案新城縣圖經管十二鄉吳大帝黃武五年置東安郡新城屬焉唐高宗永亨元年分富春西境置新城號上縣

皇朝仍之距杭州之西南一百三十三里

東風知我欲山行吹斷檐間積雨聲嶺上晴雲披

絮帽厚退之詩晴雲如擘絮潘仲達周勃傳勃下廷尉太后以冒絮提文帝晉灼曰巴蜀異志謂頭上中為冒絮樹頭初

日挂銅鉦。厚張平子賦右素威以司鉦次公銅鉦今所謂鑼也先生日喻云生而眇者不識日間之或告之曰日之狀如銅鉦

野桃含笑竹籬短。溪柳自搖沙水清。西崦人家應最樂。煮葵燒筍餉春耕。身世悠悠我此行。溪邊委轡聽溪聲。散材畏見搜林斧。疲馬思聞卷旆鉦。細雨足時茶戶喜。亂山深處長官清。人間岐路知多少。試向桑田問耦耕。

過淮

居實案水經注及山海經云淮水出南陽平氏縣桐柏山東過江夏平春縣北又東過新息縣南期思縣北至原鹿縣南與汝水合

朝離新息縣。初亂一水碧。莫宿淮南邨。已度千山赤。麕號古戍。霧雨暗破驛。回頭梁楚郊。永與中原隔。黃州在何許。想像雲夢澤。厚雲夢澤在安州安陸縣吾生如

超然物外自諭其適

寄耳。初不擇所適。但有魚與稻。生理已自畢。獨喜小兒子。少小事安佚。相從艱難中。肝肺如鐵石。何人表皮便應與晤語。何止寄哀疾。日休桃花賦序云宋廣平貞資勁質疑其鐵心石腸不解吐婉媚辭時家在子由處獨與兒適南來

別黃州

胡仔先生以元豐三年二月至黃居黃五年至是量移汝州蓋元豐七年八月

病瘡老馬不任鞿。次公杜詩日莫不收鳥啄瘡猶向君王得敝幃。居實不并為埋馬也。次公曲禮乃是惟字在之字韻。今微字韻中。幃字注云單帳也。今豈乃單幃之義乎。尊前聊與一身歸。長腰尚戀。厚後漢裴楷言浮屠不三宿桑下不欲久生愛戀精之至矣

載撐腸米。次公楚人云長腰杭米縮頸編魚言美味也闊領先裁蓋瘦衣。林子敬韻語陽秋云汝人多苦瘦故歐陽公汝瘦詩云僂婦垂乳蓋嬌嬰食卵殼無由辨肩頸有類龜縮殼極聖俞詩云女慚高掩襟男大闊裁領投老江湖終不失。居實王義之言王述曰投老可得僕射來時莫遣故人非。

過江夜行武昌山聞黃州鼓角

清風弄水月銜山。幽人夜度吳王峴。居實吳王峴在武昌西川九曲亭下

黃州鼓角亦多情。送我南

來不辭遠。江南又聞出塞曲。次公晉史劉疇傳曾避亂鳩壁賈胡百數欲害之疇無懼色援

笳而吹之為出塞入塞之聲以動其

方聲一旆。續杜詩鼓角緣邊郡川原欲夜 鼉憤龍愁為余變。

我記江邊枯柳樹。未死相逢真識面。他年一葉泝

江來。次公退之詩共泛清湘一葉舟 還吹此曲相迎餞。

自興國往筠宿石田驛南二十五里野人

舍

溪上青山三百疊。快馬輕衫來一抹。倚山脩竹有

人家。橫道清泉知我渴。芒屨竹杖自輕軟。蒲薦松

牀亦香滑。夜深風露滿中庭。惟見孤螢自開闔。

將至筠先寄遲适遠三猶子。居實元豐七年甲子至筠作

露宿風餐六百里。次公風俗通古人州居露宿杜詩風餐江柳下 明朝飲馬南江

水。未見豐盈犀角兒。續鄭語史伯言幽王惡角犀豐盈而近頑童窮固 先逢玉雪

王郎子。時道逢王郎於建昌方北行也厚太平廣記王仙客幼託其舅家舅女曰無雙皆幼穉相狎舅母常戲呼仙客為王郎子次公

對牀欲作連夜語。次公公懷遠驛讀蘇州詩云那知風雨夜復此對

念汝還須戴星起。夜來夢見小於菟。遠小名虎兒居實左傳楚人謂

猶是鬣髮垂兩耳。次公詩云鬣彼兩鬣 憶過濟南春未動。三

子出迎殘雪裏。我時移守古河東。酒肉淋漓渾舍

喜。而今憔悴一羸馬。逆旅擔夫相汝爾。次公孔融禰衡為爾汝交老杜

蘇東坡詩集卷五

以百廿二
醉時歌云忘
形到爾汝

出城見我定驚嗟。身健窮愁不須恥。我為
乃翁留十日。掣電一歡何足恃。惟當火急作新詩。
一醉兩翁勝酒美。

正月一日雪中過淮謁客回作二首

十里清淮上。長隄轉雪龍。冰崖落屐齒。次公屐齒以狀
冰崖上之葉謝

風葉亂裘茸。次公左傳狐裘
蒙茸國三公萬頃穿銀

海。次公銀海以狀水也。先生雪詩云。光搖
銀海眩生花。乃用道書眼為銀海耳。千尋度玉峰。從來脩

月手。續酉陽雜俎云。鄭仁本與其中表游山。迷路見一人枕一襪而坐。
因問之。云。君知月七寶合。成乎。常有八萬三千戶脩之。我其一也。

合在廣寒宮。厚十洲記。冬至月伏廣
寒之宮。養魄于廣寒之

攢眉有底恨。得句不妨清。霽霧開寒谷。饑雅舞雪

城。橋聲春市散。塔影莫淮平。次公塔影指
僧伽塔也不用殘燈燭。

船窗夜自明。

淮上早發。曹夢良洞天福地記。淮瀆源出南
陽桐柏山。在唐州桐柏縣龍庭

澹月傾雲曉。角哀小風吹。水碧鱗開。此生定向江

湖老。默數淮中十往來。

行宿泗間見徐州張天驥次舊韻

三年三躡過淮舟。款段還逢馬少游。續後漢馬援弟少
游嘗謂曰。乘下澤

無事不妨長好飲。厚史記。陳軫謂犀首曰。
公何好飲也。曰。無事也。著

書自要見窮愁。續史記。虞卿傳。虞卿非窮愁。
亦不能著書以自見於世云。孤松早偃元

非病。居實酉陽雜俎。世傳松千歲方偃。蓋然有數年輒偃。但於根
下遇石則偃耳。又劉禹錫偃松詩。引云。侍中後閣前有小松。不待

倦鳥雖還豈是。年而偃。丁鎮叔遜齋開覽云。蘇伯才云。凡欲偃松。不待
不難。裁時當去松中大根。唯留四旁須根。則無不偃。

休宋援淵明歸去來辭鳥倦飛而知還更欲河邊幾來往。祇今霜雪已蒙頭。

臨城道中作 什序

予初赴中山。連日風埃未嘗了了見太行也。今將適嶺表。頗以是為恨。過臨城內丘。天氣忽清徹。西望太行。草木可數。岡巒北走。崖谷秀傑。忽悟歎曰。吾南遷其速返乎。退之衡山之祥也。書以付邁使志之。張器先案年譜紹聖元年先生年五十九知定州就任降知英州未到任再貶惠州安置

逐客何曾著眼看。太行千里送征鞍。未應愚谷能

留柳。續柳子厚謫居永州名其溪曰愚溪谷曰愚谷可獨衡山解識韓。援退之謁衡岳廟詩我來正逢

秋雨節陰氣晦昧無清風潛心默禱若有應豈非正直能感通須臾靜掃眾峰出仰見突兀撐青空

過湯陰市得豌豆大麥粥示三兒子一首

朔野方赤地。張安國吳興雜錄載諺云春雨甲子地赤千里河壩但黃塵。秋霖暗

豆莢。夏旱臞麥人。厚本草蕎麥取人作飯食之下氣蓋麥之心曰人逆旅唱晨粥。行

庖得時珍。青斑照匕箸。脆響鳴牙齦。玉食謝故吏。

次公前漢陳咸傳咸奢侈玉食風餐便逐臣。厚選鮑明遠詩風餐委松宿杜詩風餐兼露宿漂零竟何

適。浩蕩寄此身。爭勸加飲食。次公古詩上言加餐飯下言長相憶實無負吏

民。何當萬里客。歸及三年新。次公左傳成十年曰不食新矣杜預注言公不得食新麥

過高郵寄孫君孚

過淮風氣清。一洗塵埃容。水木漸幽茂。菰蒲雜游

龍。次公詩隱有游龍注云游龍紅艸也以其放縱枝葉故謂之游龍可憐夜合花。厚本艸云合歡

多植於庭際開葉似阜角槐等極細而解密青枝散紅茸。美人游不歸。一笑當

誰供故園在何處已偃手種松我行忽失路次公自傷其行

止蹭蹬如失路也歸夢山千重聞君有負郭二頃收橫從蘇詩

秦曰使我有洛陽負郭田二頃吾豈能佩六國相印乎次公詩橫從其畝從讀如蹴卷野畢秋穫殷牀聞

夜春厚杜詩梵放時出寺鐘殘猶殷牀樂哉何所憂杜酒粥面醲宦游

豈不好毋令到千鍾

六月七日泊金陵阻風得鍾山泉公書寄

詩為謝

今日江頭天色惡礮車雲起風欲作厚國史補暴風之後有礮車雲獨

望鍾山喚寶公林間白堦如孤鶴寶公骨冷喚不

聞却有老泉來喚人電眸虎齒霹靂舌次公王戎眼爛爛如崑下雷集

仙錄載王母虎齒善嘯韓退之譴瘧鬼云舌作霹靂飛為予吹散千峰雪南行萬里

亦何事一酌曹溪知水味次公曹溪六祖道場在韶州南華寺他年若畫

蔣山圖次公蔣山即鍾山也為作泉公喚居士

慈湖峽阻風五首

捍索桅竿立嘯空次公桅竿兩邊索謂之捍索此江湖間常語也篙師酣寢浪花

中故應管蒯知心腹厚左傳云雖有絲麻無弃管蒯弱纜能爭萬里風

此生歸路愈茫然無數青山水拍天居實退之詩海氣昏昏水拍天猶

有小船來賣餅喜聞墟落在山前

我行都是退之詩真有人家水半扉厚退之宿曾江口詩云莫宿投民邨

高處水半扉千頃桑麻在船底空餘石髮挂魚衣厚爾雅釋草篇潭石

衣注水苔也一名石髮江東食之

日輪亭午汗珠融厚太平御覽日在午曰亭午誰識南訛長養功厚

平秩南訛

暴雨過雲聊一快未妨明月却當空厚梅聖俞詩須

史斷滅不復見唯

臥看落月橫千丈起喚清風得半帆天公喚清風是江湖間舟子之常事

且並水邨欹側過厚杜詩巴童蕩漿欹側過人間何處

不囓巖

八月七月初入贛過惶恐灘

七千里外二毛人厚潘安仁秋興賦余春秋二十有二始見二毛十八灘頭一葉

身山憶喜歡勞遠夢蜀道有錯喜歡舖在大散關上地名惶恐泣孤臣

長風送客添帆腹積雨浮舟減石鱗天公帆以其受風故云腹水在石上

便合與官充水手此生何止略知津

過大庾嶺

一念失垢汙身心洞清淨浩然天地間惟我獨也

正續莊子受命于天惟舜獨也正今日嶺上行身世永相忘居實白樂天詩可憐身與世從

相忘此兩相忘仙人拊我頂結髮受長生次公此二聯乃李白流夜郎贈韋太守詩全語先生用此蓋有所感也

宿建封寺曉登盡善亭望韶石三首厚郡國志韶州

有韶石者舜登此奏韶樂焉

雙闕浮光照短亭次公地載韶石云兩相峙如闕也至今猿鳥歎青熒

巡狩趙若拙劉夢得九華山歌云軒皇封禪登雲亭大禹會稽臨東溟乘標不來廣樂絕獨與援鳥愁青熒君王自此西

再使地理考之韶州在南之東而韶州洞庭在韶州之西也

魚龍舞洞庭次公莊子言黃帝張咸池之樂於洞庭之野而魚龍舞焉崔肅之案山海經云洞庭地穴在長沙巴陵湖

水廣員五百里日月若出沒其中

蜀人文賦楚人辭堯在崇山舜九疑厚司馬相如大人賦歷唐堯於崇山

考過虞舜於九疑注云崇山狄山也又海外經云狄山帝堯葬於其陽九疑山在零陵營道縣舜所葬也聖主若非真得

道南來萬里亦何為疑皆在南方

嶺海東南月窟西厚揚雄長楊賦西厭月窟東震日域功成天已錫玄圭

續書禹錫玄圭告厥成功此方定是神仙宅厚孫綽天台山賦云玄聖之所游化靈仙之所窟宅禹亦

東來隱會稽援史記禹巡狩至于會稽而崩

舟行至清遠縣見顧秀才極談惠州風物

之美

到處聚觀香案吏厚唐史若仗在紫宸內閣則起居舍人夾香案分立殿下次公元微之詩云我是玉皇香

吏此邦宜著玉堂仙次公翰林院公廳謂之玉堂李肇翰林志云時居翰苑豈止於登瀛洲哉亦曰登玉

署玉堂焉江雲漠漠桂花溼梅雨脩脩荔子然厚周處風土記夏至之雨名為

黃梅聞道黃柑常抵鵲續鹽鐵論云岷山之旁以玉抵鵲不容朱橘更論

錢次公杜詩朱橘不論錢恰從神武來弘景援陶弘景脫朝服挂神武門上書辭祿便向羅

浮覓稚川續晉書葛洪字稚川聞交趾出丹砂求為句漏令子姪俱至刺史鄧嶽留不聽去洪乃止羅浮山

發廣州

朝市日已遠此身良自如三杯軟飽後浙人謂飲酒為軟飽一枕

黑甜餘俗謂睡為黑甜蒲澗疎鐘外黃灣落木初厚退之南海神廟碑云在廣州

治之東南道八十里扶胥之口黃木之灣天涯未覺遠處處各樵漁

十月二日初到惠州厚案年譜實紹聖元年十月三日也

彷彿曾遊豈夢中欣然雞犬識新豐續西京雜記高祖既作新豐并移舊

社欄巷棟宇物色惟舊男女老幼相攜路首各知其室放犬羊雞鴨於通衢亦說識其家吏民驚怪坐何事

父老相攜迎此翁蘇武豈知還漠北管寧自欲老

有尾二遠字何率也

遼東援三國志管寧北河朱虛人方天下大亂寧聞公孫令嶺南萬
戶皆春色嶺南萬戶酒會有幽人客寓公次公禮記諸侯不臣寓

吾謫海南子由雷州被命即行了不相知
至梧乃聞其尚在藤也旦夕當追及作詩
示之吳憲案年譜紹聖四年丁丑先生年六十二在惠州五

月再責瓊州別駕昌化軍安置即儋州也是歲子由亦

九疑聯縣屬衡湘

厚李太白遠別離云九疑聯縣皆相似薛士

疑山山有九峰一曰蕭韶二曰女英三曰石城四曰城皇五曰朱明六曰
桂林七曰華蓋八曰巴林九曰石樓周回百餘里其形相似見者疑之故
疑曰九
江蒼茫幽人撫枕坐歎息厚古樂府曰行歌愁來夜遲我行

忽至舜所藏

次公蒼梧郡今梧州也前志

江邊父老能說子

白須紅頰如君長

莫嫌瓊雷隔雲海聖恩尚許遙

相望

厚文選古詩兩宮遙

平生學道真實意豈與窮達

俱存亡

天其以我為箕子

續今之高麗古

要使此意留

要荒

厚蠻夷要服

他年誰作輿地志

厚唐藝文志顧野王

海

南萬里真吾鄉

行瓊儋間肩輿坐睡夢中得句云千山動

鱗甲萬谷酣笙鐘覺而遇清風急雨戲作

此數句

四州環一島

次公四州言瓊崖儋萬也賈捐之傳

百洞蟠其中

我行西北隅如度月半弓登高望中原但見積水

空此生當安歸

續晉書謝安嘗與孫綽等泛海風起浪湧諸人皆懼安吟笑自若風轉急安徐曰如此將安歸邪

四顧真途窮

援晉書阮籍率意獨駕不由徑路車跡所窮輒慟哭而返 眇觀大瀛海援史

中梁

援莊子雜篇則陽通達之中有一米誰雌雄 坐詠譚天翁援史記齊人頌曰談天行 區區魏

幽懷忽破散

魏於魏中有梁於梁中有王 永嘯來天風千山動鱗

甲萬谷酣笙鐘

國之在海內不似梯米之在大倉乎 安知非羣仙 鈞天宴未終援史記趙簡子寤語

急雨豈無意

大夫曰我之帝所甚樂與百神游于鈞天廣樂九奏萬舞不類三代之樂 催詩走羣龍次公杜詩片雲頭上黑應是雨

笑電亦改容

催詩夢雲忽變色 喜我歸有期 舉酒屬青

怪東坡老

為之笑則電故謂之笑電 顏衰語徒工 久矣此妙聲 不聞蓬萊宮

次前韻與子由

我少即多難 遭回一生中 百年不易滿

援李白短歌行百年苦易滿

寸寸彎彊弓 老矣復何言 榮辱今兩空 泥丸尚一

路 古語云十方薄伽梵一路涅槃門 援此本出楞嚴經之語又隋書經籍志佛老二月十五日入涅槃涅槃一曰泥丸

窮似聞崆峒西

仇池迎此翁 次公崆峒虔州山也其西乃歸蜀之路仇池在同谷縣是洞天

胡為適南海

復駕垂天雄 次公莊子大鵬翼垂天之

下視九萬里

浩浩皆積風 次公莊子言鵬搏風九萬里而上

別離何足道 援李賀將進酒琉璃鐘琥珀濃

我生豈有終 渡海十年歸 方鏡照兩童

次公童即瞳也項羽贊云舜重

暫假壺公龍 援後漢費長房辭壺公歸公與一竹杖曰騎此任所之則自至矣長

還鄉亦何有 暫假壺公龍 援後漢費長房辭壺公歸公與一竹杖曰騎此任所之則自至矣長

錦水為君容 援江織錦

房乘杖須臾而歸以杖投葛陂中即化為龍矣

則濯之江流而錦至鮮明在以天人巧相勝援史記申包胥曰人眾者勝天天定亦能勝人他江則錦色弱矣遂命為錦里

澄邁驛通潮閣二首

倦客愁聞歸路遙。眼明飛閣俯長橋。貪看白鷺橫

秋浦。不覺青林沒晚潮。十朋冷齋夜話云余游儋耳登望海亭柱間有擘窠大字曰貪看白鳥橫秋浦

不覺青林沒莫潮

餘生欲老海南邨。帝遣巫陽招我魂。鍾宋玉為屈原作招魂辭其中曰帝

告巫陽曰有人在。在下我欲輔之。魂魄離散。汝筮予之。葉思文王逸楚辭章句曰帝謂天帝也女曰巫陽案山海經開明東巫彭巫陽巫凡皆神醫也

杳杳天低鶻沒處。青山一髮是中原。

九月二十日夜渡海

參橫斗轉欲三更。居實曹子建善哉行月沒參橫北斗闌干苦雨終風也解晴。

次公左傳昭四年申豐論藏冰曰秋無苦雨詩有終風篇雲散月明誰點綴。鍾晉書會稽王道子夜坐于時月色

明淨歎以為佳謝重曰意謂不如微雲點綴天容海色本澄清。次公

楞嚴經云譬如澄清百千大海空餘魯叟乘桴意。粗識軒轅奏樂聲。黃

帝張樂於洞庭野九死南荒吾不恨。次公楚辭離騷經亦余心之所善兮雖九死其猶未悔茲游

奇絕冠平生。

自雷適廉宿於興廉邨淨行院

荒涼海南北。佛舍如雞栖。次公借用朱伯厚之車如雞栖者也忽此榕林中。

居實嶺表錄異榕樹葉如冬青秋不凋跨空飛拱榭。當門列碧井。洗我兩

足泥。高堂磨新塼。洞戶分角圭。次公退之詩磨潭出角圭倒牀便甘

寢。鼻息如虹霓。僮僕不肯去。我為半日稽。晨登一

葉舟。醉兀十里溪。醒來知何處。歸路老更迷。

藤州江上夜起對月贈邵道士

十朋案先生送邵道人彥肅還

都嶠詩即此人

江月照我心。江水洗我肝。端如徑寸珠。隨此白玉

盤。任李白詩小時不識月呼作白玉盤我心本如此。月滿江不湍。起舞者

誰歟。莫作三人看。援李白詩舉杯邀明月對影成三人嶠南瘴癘地。有此

江月寒。乃知天壤間。何人不清安。牀頭有白酒。盍

若白露漙。次公詩零露漙漙獨醉還獨醒。夜氣清漫漫。次公史記鄒陽

傳應劭注載甯戚歌曰長夜漫漫何時旦仍呼邵道士。取琴月下彈。相將乘一

葉。夜下蒼梧灘。

將至廣州用過韻寄邁迨二子

皇天遣出家。臨老乃學道。北歸為兒子。破戒堪一

笑。披雲見天眼。次公晉書衛瓘言樂廣曰然王然若披雲霧而睹青天回首失海濤。蠻

唱與黎歌。餘音猶杳杳。大兒牧衆穉。四歲守孤嶠。

次子病學醫。三折乃粗曉。續左傳齊高彊曰三折肱知為良醫小兒耕且養。

援前漢藝文志古之學者耕且養三年而通一藝得暇為書繞。我亦困詩酒。去道

愈茫渺。紛紛何時定。所至皆可老。莫學柳儀曹。次公

職林魏有儀曹郎唐改為禮柳子厚唐貞元中為禮部員外郎貶永州司馬從柳州刺史詩書教蠻獠。次公退之為子

厚墓志云衡湘以南為進士者皆以子厚為師其經承子厚口誦指畫為文詞者悉有法度又為碑云柳侯為州不鄙夷其民動以禮法云亦

莫事登陟。次公子厚在永州有西山而下八記其在柳州又有記柳州山水近治可游者溪山有何好。

安居與我游。閉戶淨灑埽。

予昔過嶺而南題詩龍泉鐘上今復過而

北。次前韻。即前過大庾嶺詩

秋風卷黃落

次公月令季冬之月草木黃落漢武帝秋風辭云草木黃落兮南飛

朝雨洗綠淨

次公退之詩暇臨眇空闊綠淨不可唾

人貪歸路好節近中原正下嶺獨徐

行艱嶮未敢忘遙知叔孫子已致魯諸生

孫通為博士說上曰臣願徵魯諸生與臣弟子共起朝儀於是招魯諸生三十餘人其所不能致者二人次公此言建中靖國間新天子即位必定新禮儀

過嶺二首

暫著南冠不到頭

續楚鍾儀為囚於晉他日晉侯見之曰南冠而縶者君子也與之琴操南音遂釋之使歸厚柳

子厚六字詩云一生判却歸休為著南冠到頭

却隨北鴈與歸休

援月令季冬之月鴈北向平生不

作兔三窟

續晉書王衍為宰相弟澄為荊州族弟敦為青州曰荆以為三窟識者鄙之次公戰國策馮諼謂孟嘗君曰狡兔有三窟莫得免死耳今古何殊貉一丘

秦時但任小臣竟以滅亡令親任大臣即至今耳古與今如一丘之貉

當日無人送臨賀

賀尉友親無敢送者獨徐晦至藍田慰餞宰相權德輿稱之於朝李夷簡遽表為監察御史曰君不負楊臨賀負國乎

至今有廟

祀潮州

次公韓退之責潮州潮人為之立廟先生嘗為作記也

劍關西望七千里乘興

真為玉局游

汪養源案天師二十四化記玉局在益州城南門西回山來息此化時地上忽湧出玉局玉牀方廣一丈老君升座重述道要却自升天玉局陷入地中

七年來往我何堪

胡邦衡案年譜公以紹聖元年自定州貶惠州凡四年再貶儋耳明年改元元符至三年乃量

移廉州凡七年

又試曹溪一勺甘夢裏似曾遷海外醉中不

覺到江南

次公江南則虔州也

波生濯足鳴空澗霧繞征衣滴

翠嵐誰遣山雞忽驚起半品花雨落毵毵

初發嘉州

行嘉祐己亥冬先生與子由侍老泉舟行適楚

初發鼓闐闐西風獵畫旂故鄉飄已遠往意浩無

邊錦水細不見蠻江清更鮮奔騰過佛脚曠蕩造

平川

林子仁錦水岷江也蠻江陽山與青衣江也三江合流于嘉州城東南過九頂山凌雲寺大像閣而下

野市有禪

此少年將縱筆時

客釣臺尋莫煙相期定先到久立水潺潺期鄉僧宗一會刊釣

魚臺下

過空賓見夷中亂山居實嘉祐四年作

江寒晴不知遠見山上日朦朧含高峰晃蕩射峭壁橫雲忽飄散翠樹紛歷歷行人挹孤光飛鳥投遠碧蠻荒誰復愛穠秀安可適豈無避世士高隱鍊精魄誰能從之游路有豺虎跡

夜泊牛口

日落江霧生繫舟宿牛口民居偶相聚三四依古柳負薪出深谷見客喜且售煮蔬為夜餐安識肉與酒朔風吹茆屋破壁見星斗兒女自唧噥亦足樂且久人生本無事苦為世味誘富貴耀吾前貧賤獨難守誰知深山子甘與麋鹿友置身落蠻荒生意不自陋今予獨何者汲汲彊奔走

牛口見月

居實時嘉祐元年始舉進士至京師作

掩窗寂已睡月脚垂孤光披衣起周覽飛露灑我裳山川同一色浩若涉大荒幽懷耿不寐四顧獨彷徨忽憶丙申年子仁時先生舉進士在京京邑大雨霽蔡河中夜決橫浸國南方車馬無復見紛紛操棹郎新秋忽已晴九陌尚汪洋龍津觀夜市燈火亦煌煌新月皎如晝疎星弄寒芒不知京國喧謂是江湖鄉今來牛口渚見月重淒涼却思舊游處滿陌沙塵黃

此等字必有揮洒自如之意

對撥人之癡陋言之故曰玉顏然二字究竟是掩押

戎州

亂山圍古郡。市易帶羣蠻。瘦嶺春耕少。孤城夜漏閒。往時邊有警。征馬去無還。自頃方從化。年來亦款關。頗能貪漢布。但未脫金環。何足爭疆弱。吾民盡玉顏。

泊南牛口。期任遵聖長官。到晚不及見。復來。

江上有微徑。深榛煙雨埋。崎嶇欲取別。不見又重來。下馬未及語。顧已慰長懷。江湖涉浩渺。安得與之偕。

入峽

刻意鍛鍊。語皆警峭。前句亦寬然有餘。

此道黃精四句。百中中意。插一波。筆墨間逸之甚。

自昔懷清賞。今茲得縱探。長江連楚蜀。萬派瀉東南。合水來如電。黔波綠似藍。餘流細不數。遠勢競相參。入峽初無路。連山忽似龕。縈紆收浩渺。蹙縮作淵潭。風過如呼吸。雲生似吐含。墜崖鳴窸窣。垂蔓綠參參。冷翠多崖竹。孤生有石楠。飛泉飄亂雪。怪石走驚駭。絕澗知深淺。樵僮忽兩三。人煙偶逢郭。沙岸可乘籃。野戍荒州縣。邦君古子男。放衙鳴晚鼓。留客薦霜柑。聞道黃精艸。叢生綠玉簪。盡應充食飲。不見有彭聃。氣候冬猶煖。星河夜半涵。遺民悲袒衍。孟昶從此入觀舊俗接魚鱉。鱉鱉魚鱉板屋漫無瓦。巖居窄似菴。伐薪嘗冒險。得米不盈甌。歎息生

蘇東坡詩集注卷一

文蔚堂

結亦常意而忽借一鳥生
波即覺滄沃咏歡意
味淫長故詩家當爭
用筆

何陋劬勞不自慙。葉舟輕遠泝大浪。固嘗諳矍鑠。
空相視。嘔啞莫與談。蠻荒安可駐。幽邃信難姚。獨
愛孤棲鶻。高超百尺嵐。橫飛應自得。遠颺似無貪。
墜翻游霄漢。無心顧雀鷓。塵勞世方病。局束我何
堪。盡解林泉好。多為富貴酣。試看飛鳥樂。高遁此
心甘。

出峽

入峽喜巉巖。出峽愛平曠。吾心澹無累。過境即安
暢。東西徑千里。勝處頗屢訪。幽尋遠無厭。高絕每
先上。前詩尚遺略。不錄久恐忘。憶從巫廟回。中路
寒泉漲。汲歸真可愛。翠碧光滿盞。忽驚巫峽尾。巖

腹有穿壙。仰見天蒼蒼。石室開南嚮。宣尼古廟宇。
叢木作幃帳。鐵楯橫半空。俯瞰不計丈。古人誰架
構。下有不測浪。石竇見天囷。瓦棺悲古葬。新灘阻
風雪。邨落去攜杖。亦到龍馬溪。茆屋沽邨釀。玉虛
悔不至。實為舟人誑。聞道石竇奇。寤寐見怪狀。峽
山富奇偉。得一知幾喪。苦恨不知名。歷歷但想像。
今朝脫重險。楚水渺平蕩。魚多客庖足。風順行意
王。追思偶成篇。聊助舟人唱。

荊州十首

子仁康子正月先生與子
由侍老泉自荊州遊大梁

游人出三峽。楚地盡平川。北客隨南賈。吳檣問蜀
船。江侵平野斷。風卷白沙旋。欲問興亡意。重城自

古堅

南方舊戰國。慘澹意猶存。慷慨因劉表。淒涼為屈原。廢城猶帶井。古姓聚成邨。亦解觀形勝。昇平不敢論。

楚地闊無邊。蒼茫萬頃連。耕牛未嘗汗。投種去如捐。農事誰當勸。民愚亦可憐。平生事游惰。那得怨凶年。

朱檻城東角。高王此望沙。江山非一國。烽火畏三巴。戰骨淪秋草。危樓倚斷霞。百年豪傑盡。擾擾見魚鰕。

沙頭煙漠漠。來往厭喧卑。野市分麈鬪。官帆過渡遲。遊人多問卜。僮叟盡攜龜。日莫江天靜。無人唱楚辭。

太守王夫子。山東老俊髭。壯年聞猛烈。白首更雄豪。食鴈君應厭。驅車我正勞。中書有安石。慎勿賦離騷。

子仁指時相有如謝安則王守不當如屈原放逐而作離騷也

殘臘多風雪。荆人重歲時。客心何草草。里巷自嬉嬉。爆竹驚鄰鬼。驅儻聚小兒。

子仁爆竹見荆楚歲時記驅儻見月令皆殘歲事

應念我相望。各天涯。江水深成窟。潛魚大似犀。赤鱗如琥珀。老枕勝玻璃。上客舉雕俎。佳人搖翠篔。登庖更作器。何以免屠割。

北鴈來南國，依依似旅人。縱橫遭折翼，感惻爲靈
巾。平日誰能挹，高飛不可馴。故人持贈我，三嗅若
爲珍。

柳門京國道，驅馬及春陽。野火燒枯艸，東風動綠
芒。北行連許鄧，南去極衡湘。楚境橫天下，懷王信
弱王。

高子勉見
竹枝歌注

涖陽早發

富貴本無定，世人自榮枯。踴躍好名心，嗟我豈獨
無。不能便退縮，但使進少徐。我行念西國，已分田
園蕪。南來竟何事，碌碌隨商車。自進苟無補，乃是
嬾且愚。人生重意氣，出處夫豈徒。永懷江陽叟，種

蕩春滿湖。

字仁江陽
指眉州也

白塔鋪歇馬

甘山廬阜鬱相望，林隙熹微漏日光。吳國晚蠶初
斷葉，占城早稻欲移秧。迢迢澗水隨人急，苒苒巖
花撲馬香。晚眼儘窮千里遠，白雲深處是吾鄉。

壽陽岸下絕句

街東街西翠帷成，池南池北綠錢生。幽人獨來帶
殘雨，聞得黃鸝第一聲。

過范縣訪德孫

漸覺東風料峭寒，青蒿黃韭試春盤。遙想慶州千
嶂裏，莫雲衰艸雪漫漫。

初貶英州贈馬夢得

萬古仇池穴。歸心負雪堂。殷勤竹裏夢。猶自數山王。
山清王戎

夜雨宿淨行院

芒屨不踏利名場。一葉虛舟寄渺茫。林下對牀聽夜雨。靜無燈火照淒涼。
一作僧房

過海得子由書

經過廢來久。有弟忽相求。戶外三竿日。江關一葉秋。蕭疎悲白髮。漫浪散窮愁。世事江聲外。吾生幸且休。

金山夢中作

江東賈客木絲裘。
吳明可遜齋閒覽云閩嶺以南多木絲土人競植之采其花為布會散金山

月滿樓。夜半潮來風又烈。臥吹簫篴到揚州。
子仁唐漢中王

瑤素知音嘗過永興里聞太常工吹笛他日識之謂曰何故臥吹笛

十二月二日將至渦口五里所遇風留宿

長淮久無風。放意弄清快。今朝雪浪滿。始覺平野隘。

兩山控吾前。吞吐久不暇。
師尹暇楚快切一舉盡變曲禮曰無暇炙孤舟繫

桑本。
子仁成三年齊高固入晉師桀石以投人禽之而乘其車繫桑本焉終夜舞澎湃。舟人更

傳呼。弱纜恃管蒯。
孫倬左傳成公九年雖有絲麻無弃管蒯平生傲憂患。久已

恬百怪。鬼神欺吾窮。戲我留一噫。
次公莊子云大塊噫氣其名為風鉗中

尚有酒。信命誰能戒。

發洪澤中塗遇大風復還

風浪忽如此。吾行欲安歸。

謝安與孫綽泛海風起浪湧諸人竝懼安吟嘯自若曰如此將何

歸邪舟人承言即迴眾服其雅量

挂帆却西邁。此計未為非。

洪澤三十

里。安流去如飛。

子仁李白詩巴水急如箭巴船去如飛

居民見我還。勞問亦

依依。攜酒就船賣。此意厚莫違。醒來夜已半。岸木

聲向微。明日淮陰市。白魚能許肥。

次公白魚惟淮楚有之杜甫詩白魚如切玉又

曰溪友得錢留白魚

我行無南北。適意乃所祈。何勞弄澎湃。終

夜搖窗扉。妻孥莫憂色。更典篋中衣。

十月六日記所見

風高月暗水雲黃。淮陰夜發朝山陽。山陽曉霧如
細雨。炯炯初日寒無光。雲收霧卷已停午。有風北
來寒欲僵。忽驚飛電穿戶牖。迅駛不復容遮防。市

人顛沛百賈亂。疾雷一聲如頽牆。使君來呼晚置
酒。坐定已復日照廊。愧疑所見皆夢寐。百種變怪
旋消亡。共言蛟龍厭舊穴。魚鼈隨徒空陂塘。愚儒
無知守章句。論說黑白推何祥。續前漢五行志言金失性則有白皆白祥水失性則有黑皆黑祥 惟有主人言可用。天寒欲雪飲此觴。

大風留金山兩日

塔上一鈴獨自語。

援石勒死之年天靜無風而塔上一鈴獨鳴佛圖澄曰國有大喪不出今年矣既而石勒果死

明日顛風當斷渡。

續杜詩晚來急雨春風顛

朝來白浪打蒼崖。倒射

軒窗作飛雨。龍驤萬斛不敢過。

次公龍驤大舟也

漁艇一葉

從掀舞。細思城市有底忙。却笑蛟龍為誰怒。無事
久留童僕怪。此風聊得妻孥許。瀟山道人獨何事。

五言 趙堯卿參寥號潛山道人葉飛卿案同安志潛山方三百里又陶隱居云潛山在潛縣潛與潛同 半夜不眠聽粥

鼓

出潁口初見淮山是日至壽州

我行日夜向江海。楓葉蘆花秋興長。平淮忽迷天
遠近。青山久與船低昂。壽州已見白石埭。短櫂未
轉黃茆岡。波平風軟望不到。故人久立煙蒼茫。

杜子美詩獨立蒼茫自詠詩

湯邨開運鹽河中督役

李堯祖案圖經仁和縣湯邨鎮市在安仁東鄉去縣四十一里而都鹽倉在天宗門裏徐持晦案國史先生本傳云開西湖疏葑山鹽橋河修治堰閘與民興利除害講究甚悉郡人德之為立祠堂云

居官不任事。蕭散羨長卿。胡不歸去來。滯留媿淵

明

天公相如倦游不慕官爵求為文園令稱疾開居援陶淵明賦歸去來解印去彭澤太史公滯留周南

鹽事星火急

誰能卹農耕

子仁諷開此河不當又妨農事也

薨薨曉鼓動。萬指羅溝

坑。天雨助官政。泫然淋衣纓。人如鴨與猪。投泥相

濺。驚下馬荒隄上。四顧但湖泓。線路不容足。又與

牛羊爭。歸田雖賤辱。豈失泥中行。寄語故山友。慎

毋厭藜羹

厚莊子孔子於陳蔡之間七日不食藜藿不糝

新灘阻風

北風吹寒江。來自兩山口。初聞如搖扇。漸覺平沙
走。飛雲滿巖谷。舞雪穿窗牖。灘下三日留。識盡山
前叟。孤舟倦鷗軋。短纜困牽揉。嘗聞不終日。今此
獨何久。

子仁老子飄風不

只應留遠人。此意固亦厚。吾今

崇朝驟雨不終日

文蔚堂

幸無事閉戶為飲酒

漢水

舍櫂忽逾月。沙塵困遠行。襄陽逢漢水。偶似蜀江清。蜀江固浩蕩。中有蛟與鯨。漢水亦云廣。欲涉安敢輕。文王化南國。游女儼如卿。洲中浣紗子。環佩鏘鏘鳴。古風隨世變。寒水空泠泠。過之不敢慢。佇立整冠纓。

初到黃州

堯卿先生以元豐二年自湖州守得罪為黃州團練副使明年二月至黃州元豐三年詳見年譜

自笑平生為口忙。老來事業轉荒唐。

次公李台擬言韓昭曰韓八座事業

如折轂線無一條長者

長江遶郭知魚美。好竹連山覺筍香。逐客

不妨員外置

憲唐左遷謫降官授州刺史司馬者皆員外置次公譚賓錄載趙謙光答戶部員外郎趙沙詩曰惟嫌員外置

不應列星文

詩人例作水曹郎

次公王禹偁作孟賓于詩集序云古之詩人多求水部何遜張籍孟賓于是也

師尹公出詔獄責受檢校水部員外郎充黃州團練副使本州安置

只慙無補絲毫事。尚費官

家壓酒囊

檢校官例折支多得退酒袋

柏家渡

柏家渡西日欲落。青山上下猿鳥樂。欲因新月望吳雲。遙看北斗挂南嶽。一夢惛惛四十秋。古人不死終未休。草舍蕭條誰與語。香風欲過白蘋洲。

吳江岸

曉色兼秋色。蟬聲雜鳥聲。壯懷銷鑠盡。回首尚心驚。

黃河

活活何人見混茫。崑崙氣脈本來黃。濁流若解汗
清濟。驚浪應須動太行。帝假一源神禹跡。世流三
患梗堯鄉。靈查果有仙家事。試問青天路短長。

過泗上喜見張嘉父二首

眉間冰玉照淮明。筆下波瀾老欲平。直得全生如
許妙。不知形謀已多名。
空翠娛人意自還。明窗一榻共秋閒。會知名利不
到處。定把清觴屬此山。

儋耳

霹靂收威莫雨開。獨憑闌檻倚崔嵬。垂天雌霓雲

端下。快意雄風海上來。野老已歌豐歲語。除書欲
放逐臣回。殘年飽飯東坡老。一壑能專萬事灰。

再過泗上二首

眼明初見淮南樹。十客相逢九吳語。旅程已付夜
帆風。客睡不妨背船雨。黃柑紫蟹見江海。紅稻白
魚飽兒女。殷勤買酒謝般師。千里勞君勤轉櫓。
繫舟淮北雨折軸。繫舟淮南風斷橋。客行有期日
月疾。歲事欲晚霜雪驕。山根浪頭作雷吼。縮手敢
試舟師篙。不用然犀照幽怪。要須拔劍斬長蛟。

過土山寨

南風日日縱篙撐。時喜北風將我行。湯餅一杯銀

蘇東坡詩集注卷一
三十一
線亂。萋萋數箸玉簪橫。

過嶺寄子由二首

投章獻策謾多譚。能雪冤忠死亦甘。一片丹心天
日下。數行清淚嶺雲南。光榮歸佩呈嘉瑞。瘴癘幽
居弄曉嵐。從此西風庾梅謝。却迎誰與馬穆穆。
山林瘴霧老難堪。歸去中原茶亦甘。有命誰憐終
反北。無心却笑亦巢南。蠻音慣習疑僞語。脾病縈
纏帶嶺嵐。賴有祖師清淨水。塵埃一洗落穆穆。

侯灘

江邊皎皎過侯灘。更上山腰看打盤。百歲老兒親
擊鼓。城中憂患不相干。

蘇東坡詩集注卷第一

蘇東坡詩集注卷第二

游覽上

游東西巖

公自注即謝安東山也程天祐案臨安縣圖記東永安巖西永安巖在縣北二十里即謝安東山也孫彥忠韻語陽秋云安本傳謂安登台輔於土山游集今土山在建康建康事蹟云安石於此擬會稽之東山亦號東山

謝公含雅量李厚謝安常與孫綽等汎海風起海湧諸人並懼安吟嘯自若眾咸服其雅量世運屬艱

難况復情所鍾程頌晉王衍曰太上忘情最下不及情然則情之所鍾正在我輩感槩萃中

年正賴絲與竹陶寫有餘歡常恐兒輩覺坐令高

趣闌厚王羲之傳謝安嘗謂羲之曰中年以來傷於哀樂與親友別輒作數日惡羲之曰年在桑榆自然至此頃正賴絲竹陶寫常恐兒輩覺損其歡樂之趣獨攜縹緲人來上東西山續安棲遲東山放情丘壑然性好音樂每游賞必以妓

從放懷事物外徙倚弄雲泉一旦功業成管蔡復流

言慷慨桓野王哀歌和清彈挽須起流涕始知使

君賢厚桓伊傳孝武末年會稽王道子及安壻王國寶以安功名盛極而構會之嫌隙遂成帝召伊飲燕安侍坐伊撫箏而歌怨詩曰為君既不易為臣良獨難忠信事不顯乃有見疑患周旦佐文武金滕功不刊推心輔王政二叔反流言聲節慷慨俯仰可觀安泣下露衿乃越席而就之挽其須曰使君於此不凡帝甚有愧色野王伊小字也

意長日月促臥病已辛酸慟

哭西州門往駕乃復還續安雖受朝寄然東山之志始末不渝欲須經略粗定自江道還東雅志未就遂遇疾篤還都門當輿入西州門自以本志不遂深自慨失因悵然謂所親曰吾病殆不起乎安薨後其甥羊曇至西州門以策叩扉誦曹子建詩曰生存華屋處零落歸山丘因慟哭而去天公西州門學者多未曉在江寧府以府有東府城城中有揚州解而揚州在府西故時人號為東府西州而東府城之西門謂之西州門見寰宇記又載綠會稽王道子第在東府城之東謝安薨以道子代領揚州州在第四故時人號為東府西州如此則西州之名在於安薨之後矣安本傳乃有安病輿入西州門之事則寰宇記所引輿地志不亦謬乎先生所用事止據本傳用謝安事而已今因與學者辨之

空餘行樂處古木昏蒼煙

金山妙高臺

我欲乘飛車次公帝王世紀曰奇肱民能為飛車從風遠行湯時西風吹奇肱車至於豫州湯破其車不以示民十年東風至乃復作車遣歸之東訪赤松子續張良願棄人間事從赤松子其地去玉門四萬里

蓬萊不可到弱水三萬里續史記方士言海中有三神山蓬萊方丈瀛洲諸仙人及不死之藥皆在焉未至望之如雲及到三神山反居水下臨之患且至則風輒引船而去終莫能至援神仙傳謝自然汎海求蓬萊一道士謂曰蓬萊隔弱水三萬里非飛仙不可到不如金山去清風半帆耳中有妙高臺次公妙高臺之名取華嚴經德雲比丘所居妙高峰為義也

雲峰自孤起仰觀初無路誰

信平如砥次公詩周道如砥臺中老比丘碧眼照窗几師謂子元長老

嶮巖玉為骨凜凜霜入齒機鋒不可觸次公傳燈錄云神機

千偈如翻水援韓詩文如翻水成次公晉書鳩摩羅什日誦千偈何須尋德

即此比丘是長生未

暇學請學長不死次公長生謂學仙長不死謂佛不生不滅也

其欽重佛印如此長不死即長生樂語雜禪

文蔚堂

鬱孤臺首皆虔州

八境見圖畫鬱孤如舊游次公八境者虔州有之入畫為山圖先生嘗賦詩鬱孤乃其一也

為翠浪湧水作玉虹流日麗空峒曉次公峒在虔州西之極處風

酣章貢秋厚水經注劉登之曰贛縣東南有章水西有貢水縣治二水之間因以名焉丹青未變葉

鱗甲欲生洲嵐氣昏晨樹灘聲入市樓煙雲侵嶺

路艸木半炎州故國千峰外高臺十日留他年三

宿處厚後漢裴楷言浮屠不三宿桑下準擬繫歸舟

廉泉

水性故自清不清或撓之君看此廉泉五色爛摩

尼厚圓覺經云譬如清淨摩尼寶珠映於五色隨方各現廉者謂我廉我以此名為

有廉則有貪有慧則有癡誰為柳宗元厚柳子厚謫永州所居冉溪名

自命其連

之曰孰是吳隱之援吳隱之酌貪泉飲而賦詩曰縱使夷齊飲終當不易心漁父足豈潔

許由耳何溜續高士傳堯讓天下於許由許由逃之而洗其耳於潁水紛然立名字此水

了不知毀譽有時盡不知無盡時竭來廉泉上將

須看鬢眉好在水中人到處相娛嬉次公先生汎潁詩云豈此水薄相與

我相娛嬉

塵外亭

楚山澹無塵潁水清可厲散策塵外遊麾手謝此

世山高惜人力十步輒一憩却立浮雲端俯視萬

井麗幽人宴坐處龍虎為斬籬次公此下八句皆馬祖事馬駒獨

何疑厚傳燈錄六祖謂明嶽曰向去佛法從汝邊去馬駒踏殺天下人厥後江西遂傳法廣布於天下時號馬祖豈隋山

鬼計夜垣非助我謬敬欲其逝次公馬祖始居此山山鬼為築垣自謂修行不至為

蘇東坡詩集卷三

文蔚堂

四百九十六
鬼所識乃舍去今先生
詩語高馬祖一著也
戲留一轉語厚傳燈錄同山直道本來千
載起攘袂

天竺寺 并引

予年十二先君自虔州歸謂予言近城山中天竺
寺有樂天親書詩云一山門作兩山門兩寺元從
一寺分東澗水流西澗水南山雲起北山雲前臺
花發後臺見上界鐘清下界聞遙想吾師行道處
天香桂子落紛紛筆勢奇逸墨迹如新今四十七
年予來訪之則詩已亡有刻石存耳感涕不已而
作是詩

香山居士留遺蹟次公白樂天以刑部尚書致仕與香山僧如滿結香火社自稱香山居士天竺禪

連珠疊壁謂此首
尾重字境有詩適
可如此故曰佳

師有故家空咏連珠吟疊壁次公宣宗中樂天詩綴玉連珠三十年誰教冥路作詩仙已

亡飛鳥失驚蛇續懷素艸書如飛鳥出林驚蛇入草林深野桂寒無子雨

浥山薑病有花厚嶺表異錄山薑花莖葉即薑也根不堪食而葉開吐花細如麥粒次公山薑木也按本草木一名

也山薑也四十七年真一夢天涯流落淚橫斜

碧落洞 自注在英州下十五里

槎牙亂峰合晃蕩絕壁橫遙知紫翠間古來仙釋

并陽崖射朝日高處連玉京厚靈樞金景內經曰下離塵境上界玉京注云玉京無為之天

也蓋三十二帝之都玉京之下乃崑崙北都羅酆北帝三十六洞之所居處陰谷叩白月夢中遊化

城厚法華經有一道師以方便力化作一城於是衆人前入化城生已度想生安穩想果然石門開中有

銀河傾幽龕入窈窕別戶穿虛明泉流下珠琲乳

湔文縵纓我行畏人知恐為仙者迎小語輒響答

空山自雷驚

任韋應物詩水性本亦靜石中固無聲如何兩相激雷轉空山驚

策杖歸去來

治具煩方平

厚神仙傳王方平降蔡經家須臾麻姑繼至再拜方平行厨具食皆金盤玉杯多諸花果芬香異常擘脯

食之云是麟脯

白水山佛跡巖

自注羅浮之東麓也在惠州東北二十里○楊德志林云紹聖元年十月

十二日過遊白水佛跡院浴于湯池熱甚其源殆可熟物循山而東有懸水百仞八九折折處輒為潭水涯有巨人跡數十所謂佛跡也

何人守蓬萊夜半失左股

次公惠州浮山據地理志云自會稽來今浮山上猶有東方朔木易

明夷云夷于左股

浮山若鵬蹲

厚陳文惠公羅浮山案本記山高三千六百丈周回三百二十七里然羅山一也浮山

即蓬萊之別島也堯時洪水浮至依羅而止故有羅浮之號焉

忽展垂天羽

續莊子鵬之背若太山其翼若垂天之雲

株互連絡

次公翻用列子言海中五山之根無所連著也

崖嶠爭吞吐神工自爐

鞴融液相綴補至今餘隙罅流出千斛乳方其欲

合時天匠麾月斧

援酉陽雜俎有人游山失道遇一人枕樸而坐因問之其人曰君知月七寶合成乎常有八萬

二千戶修之我其一也開樸有玉斤斧數事

帝觴分餘瀝山骨醉後土

次公石鼎聯句云巧匠琢

山骨峰巒尚開闔澗谷猶呼舞海風吹未凝古佛來

布武

鍾禮記堂下布武

當時汪罔氏

鍾家語孔子曰汪罔氏之君守封州之山者為漆姓在虞夏商為汪

罔氏於周為長翟氏今日大人次公汪罔氏即防風氏也禹戮之其骨專車

投足不蓋拇青蓮雖不

見千古落花雨

厚楞嚴經即時天雨百寶蓮花青黃赤白間錯紛採

雙溪匯九折萬

馬騰一鼓洩雷濺玉雪潭洞開水府潛鱗有饑蛟

掉尾取渴虎我來方醉後濯足聊戲侮回風卷飛

電掠面過彊弩山靈莫惡劇微命安足睹此山吾

欲老慎勿厭求取溪流變春酒

次公李白襄陽歌此江若變作春酒壘麴便築糟丘

與我相賓主當連青竹竿下灌黃精圃

厚杜甫泉眼詩何當

臺

文蔚堂

五百六十六
宅下流餘潤通藥圃三
春濕黃精一食生毛羽

遊三游洞

凍雨霏霏半成雪。游人屨冷蒼崖滑。不辭攜被巖
底眠。洞口雲淡夜無月。

游洞之日。有亭吏乞詩。既為留三絕句於
洞之石壁。明日至峽州。吏又至。意若未足。

乃復以此授之。

子仁三絕句。老泉及東坡子由各一也。案南行集老泉詩云。洞門蒼石流成乳。

山下寒溪冷欲冰。天寒二子苦求去。我欲居之亦不能。子由詩云。昔年有遷客。攜手過嵌巖。去我歲已百。游人忽復三。

一徑遶山翠。縈紆去似蛇。忽驚溪水急。爭看洞門
呀。滑磴攀秋蔓。飛橋踏古查。三扉迎北吹。一穴向
西斜。歎息煙雲老。追思歲月遐。唐人昔未到。古俗

此為家。

洞暖無風雪。山深富鹿豨。相逢衣盡草。環坐髻應
髻。竈突依崑黑。尊壘就石窪。鴻荒無傳記。想像在
羲媧。此事今安有。遺蹤我獨嗟。山翁勸留句。彊為
寫槎牙。

巒孤臺

再過虔州
和前韻

吾生如寄耳。

次公魏文帝樂府云。人生如寄。多憂何為法。苑珠林云。謝安與支遁書云。人生如寄耳。

嶺外亦

閒游。贛石三百里。

仔孟浩然詩。贛石三百里。沿江千嶂間。叔奇國史補。蜀之三峽。南康之贛石。皆險絕之所。

寒

江尺五流。

次公唐語云。城南韋社去天尺五。

楚山微有霰。越瘴久無秋。

飛咤雪洲。

圓仲通真子瘴氣論曰。嶺南瘴猶如嶺北傷寒也。從仲春訖仲夏。行青州瘴。季夏訖孟冬。行黃茅瘴。望斷橫雲嶠。魂

飛咤雪洲。

次公橫雲嶠以言五嶺。咤雪洲以瓊崖。儋萬四州也。賈捐之傳云。儋耳珠崖皆在南方海中。洲居南越地。炎瘴而無

雪有雪則以爲希咤也曉鐘時出寺莫鼓各鳴樓歸路迷千嶂勞

生閱百州不隨後鶴化厚抱朴子周穆王南征久而不歸一軍皆化君子爲後鶴小人爲蟲沙甘

作賈胡留續後漢馬援傳耿舒與其兄弁書曰伏波類西域賈胡到一處輒止祇有貂裘在援史記蘇

秦衣敝黑貂裘出猶堪買釣舟

同柳子玉游鶴林招隱醉歸呈景純天公鶴林竹林

寺也宋高祖潛龍時常游寺有黃鶴飛舞因名黃鶴山鶴林招隱潤州二寺也

花時臘酒照人光歸路春風灑面涼劉氏宅邊霜

竹老戴公山下埜桃香天公劉氏宅戴公山蓋潤州事劉氏言劉裕家也裕楚元王之遠孫本家彭城

晉氏東遷移居晉陵丹徒之京口里堯卿南史戴顓世居鄰下又徙京口止黃鶴山宋文帝每欲見之嘗謂黃門侍郎張敷曰吾東巡之日當宴戴

公山巖頭匹練兼天靜續謝元暉詩澄江靜如練泉底真珠

濺客忙子仁杜詩奔泉濺水沫安得道人攜笛去一聲吹裂翠崖

岡次公案國史補載李舟好事嘗得邨舍煙竹截以爲笛堅如鐵石以遺李暮暮吹笛天下第一夜泛江吹之俄有客立於岸呼船共載既至

請笛而吹其聲精壯山石可裂暮未嘗見也

游鶴林招隱二首

郊原雨初霽春物有餘妍古寺滿修竹淡林聞杜

鵲睡餘柳花隨目眩山櫻然子仁沈約詩山櫻發欲然西窗有病客

危坐看香煙

行歌白雲嶺坐詠脩竹林風輕花自落日薄山半

陰澗艸誰復識聞香香難尋時見城市人幽居惜

未淡

與毛令方尉游西菩提寺二首安國案於潛縣尉方君武與東坡於熙寧七年八月廿七日同游

西菩提山明智院石刻有焉西菩提寺去縣十五里

推擠不去已三年

續晉鄧侯為吳郡守稱疾去職吳人歌曰鄧侯挽不雷謝令推不去

魚鳥依然

笑我頑人未放歸

江北路天教看盡浙西山尚書

清節衣冠後

援毛珣典選舉以儉卒人魏太祖以素屏風素憑几賜珣曰君有古人之風故賜君以古人之服珣居顯

位常布衣蔬食為尚書僕射祖可毛令乃毛尚書之後

處士風流水石間

任方干桐廬人幼有清才為徐鉉所

器然姿態山野終不登第當時號為方處士後韋莊奏賜及第

一笑相逢那易得數詩狂語

不須刪

路轉山腰足未移水清石瘦便能奇白雲自占東

西嶺

子暉按於潛圖經云寺前有東西兩山或有雲晦遙望如嶺焉

明月誰分上下池黑黍

黃梁初熟後朱柑綠橘半甜時人生此樂須天賦

莫遣兒郎取次知

厚王羲之謂謝安曰但恐兒輩覺損其歡樂之趣

雪後到乾明寺遂宿

門外山光馬亦驚階前屐齒我先行風花誤入長

春苑

續吳王有長春苑次公宋復古河南志晉之宮內有長春門

雲月長臨不夜城

次公解道康齊

地記曰齊不夜城蓋古者有日夜中照於東境故萊子立此城以不夜為名

未許牛羊傷至潔且看

雅鵲弄新晴更須攜被留僧榻待聽摧檐瀉竹聲

圓通禪院先君舊游也四月二十四日晚

至宿焉明日忌日也乃手寫寶積獻蓋頌

佛一偈以贈長老仙公仙拊掌笑曰昨夜

夢寶蓋飛下著處輒出火豈此祥乎乃作

是詩院有蜀僧宣逮事訥長老識先君云

石耳峰頭路接天梵音堂下月臨泉此生初飲廬

山水他日徒參雪竇禪

子仁雪竇師諱仲顯字隱之遂州李氏子出家參隨州智門禪和尚不起一念

文蔚堂

之言後居四明之雪竇賜號明覺皇祐五年七月七日不遺囑亦不說偈北首而亡袖裏寶書猶未出夢中飛蓋已先傳何人更識嵇中散野鶴昂藏未是仙

過萊州雪後望三山

次公案地志萊州掖縣載三山有海之南岸史記封禪書秦始皇東遊海上行禮祠名山川及八神其四曰陰主祠三山其後武帝亦祠三山八神是已

東海如碧環西北卷登萊雲光與天色直到三山回我行適冬仲薄雪收浮埃黃昏風絮定半夜扶桑開參差太華頂出沒雲濤堆安期與羨門漢武羨門神乘龍安在哉茂陵秋風客帝葬茂陵嘗作秋風辭李賀金銅仙人辭漢歌勸爾麾一杯次公借用晉孝武帝末年長星見帝甚惡之舉酒祝之曰長星勸爾一杯酒自古豈有萬歲天子邪帝鄉不可期

帝鄉不可期次公莊子乘彼白雲至于帝鄉楚些招歸來援楚辭宋玉招魂云魂兮來歸何為兮四方些

龜山

我生飄蕩去何求再過龜山歲五周身行萬里半天下僧臥一菴初白頭地隔中原勞北望潮連滄海欲東游元嘉舊事無人記故壘摧頽今在不次公宋文

帝遣將拒魏秦武築城此山

登玲瓏山

幼鑿案林安圖經玲瓏山在縣西十三里兩山屹起盤屈凡九折上通絕頂名曰九折巖南行百許步有亭下瞰百里山名曰三休亭

何年僵立兩蒼龍瘦脊盤盤尚倚空翠浪舞翻紅罷亞厚杜牧詩罷亞百頃稻西風吹半紅罷亞稻多貌白雲穿破碧玲瓏三休亭上工延月民瞻唐司空圖居中條山王官谷有先人田遂隱不出作亭觀素室悉圖唐興節士文人名亭曰休休作文以見志

蘇東坡詩集卷之三

五之六
曰休美也。既休而美，具故量才一宜休，揣分二宜休，耄而贖三宜休。又少也，隨長也，率老也，透三者非濟時用，則又宜休。因自目為耐辱居士。體仁雞跖集。楚王詩客以九折巖前巧貯風。見題注脚力盡時山更好。莫將有恨趁無窮。

宿九仙山

九仙謂左元放許邁王謝之流。子蒼案圖經無量院在縣西十二里。九仙山東晉葛洪許邁鍊

丹之地

風流王謝古仙真。一去空山五百春。玉室金堂餘

漢士。

援許邁與王逸少書云。自山陰南至臨安。多有金堂玉室。左元放之徒。漢末諸得道者。皆在焉。

桃花流水失

秦人。困眠一榻香凝帳。

傳韋應物詩。燕寢凝清香。

夢遶千巖冷逼

身。半夜老僧呼客起。

雲峰缺處湧冰輪。

致約今寺中。有冰輪閣。

韓大祝送游太山

偶作郊原十日游。未應迴首厭籠囚。但教塵土驅

馳足。終把雲山爛熳酬。聞道逢春思濯錦。

次公濯錦成都也。言

因景物而懷鄉。爾希聲成。都古今記。濯錦江自州西北分派。東流至州北街。過入文富坊。東流至膠坊尾。又向南流於興聖觀。直東南至大慈寺前。有錦江橋是也。便須到處覓菟裘。

頂夜看金輪出九幽。

續漢官儀曰。太山東南名曰日觀。雞一鳴時見日始出。長三丈許。

登雲龍山

醉中走上黃茆岡。滿岡亂石如羣羊。

次公暗使黃初平事。

岡頭

醉倒石作牀。仰看白雲天茫茫。歌聲落谷秋風長。

路人舉首東南望。拍手大笑使君狂。

與客游道場何山得鳥字

少度吳興。統記正真寺在州南一十六里有山。

曰道場山

清溪到山盡。飛路盤空小。紅亭與白塢。

商老吳興統記。郡有五亭曰白

文蔚堂

頤亭集芳亭山光亭朝發亭碧波亭又有白隱見喬木杪中休得
增巷有白石塔在焉因而名之在州西三里
小菴孤絕寄雲表洞庭在北户雲水天渺渺菴僧
俗緣盡淨業洗未了十年畫鵲竹益以詩自繞高
堂儼像設禪客各深窈奔泉何處來華屋過溪沼
何山隔幽谷去路青且悄長松度翠蔓絕壁挂唬
鳥我友自杭來尚歎所歷少歸塗風雨作一洗紅
日燎我驚萬竅號黑霧卷蓬蓼舟人紛變色坐羨
輕鷗矯我獨換酒杯醉死勝流殍書生例彊狠造
物空煩擾更將掀舞勢把燭畫風篠美人為破顏
正似腰肢弱明朝便陳迹清景隨空杳作詩記餘
歡萬古一昏曉

初入廬山三首

青山若無素偃蹇不相親次公先生詩又云青山偃蹇似高
人又曰登臨不得要萬象各偃蹇
要識廬山面他年是故人山南山
面也
自昔懷清賞神游杳藹間如今不是夢真箇在廬
山

芒屨青竹杖自挂百錢游續晉阮脩常步行
以百錢挂杖頭可怪深山
裏人人識故侯次公漢書言鄧平者故秦東陵侯種瓜於長安城
東子仁先生詩話云僕初入廬山山谷奇秀平日
所未見殆應接不暇遂發意不欲作詩已而見山中僧俗皆云蘇子瞻來
矣不覺作一絕云芒屨青竹杖云云既而哂前言之謬復作兩絕句云青
山若無素云云案詩話
則今第三篇為首篇矣

同正輔表兄游白水山

偉哉造物真豪縱厚莊子子來病子桑往問之倚其戶
與之語曰偉哉造物又將奚以汝為攫土搏

沙爲此弄。擘開翠峽走雲雷。截破奔流作潭洞。因

隨化人履巨跡。次公列子周穆王時西域之國有化人來自水巖有大足跡世謂之佛跡今化人則借以言佛爾

得與仙兄躡飛鞚。曳杖不知巖谷深。穿雲但覺衣

裘重。坐看驚鳥救霜葉。知有老蛟蟠石甕。金沙玉

礫粲可數。古鏡寶奩寒不動。念兄獨立與世疎。絕

境難到惟我共。永辭角上兩蠻觸。續莊子有觸于蝸之左角曰蠻氏右角曰觸氏

爭地。一洗胷中九雲夢。援子虛賦齊之青丘吞楚之雲夢者八九而於其胸中曾不芥蒂浮來

山高回望失。次公浮來山言羅浮山也古云自會稽浮來武陵路絕無人送。次公謂桃

源也。筠籃擷翠爪。甲香素縷分。碧銀餅凍歸路霏霏

暘谷暗。次公淮南子曰出於暘谷入於咸池一作湯谷或云山中有湯泉也野堂活活神泉湧。申

物類相感志高密琅邪之臺上有神泉人或汗之則竭解衣浴此無垢人。次公維摩經入解之浴池定水湛然滿布

以清淨華浴此無垢人身輕可試雲間鳳。

次韻正輔同游白水山

祇知楚越爲天涯。不知肝膽非一家。此身如綫自

縈繞。左旋右轉隨繅車。誤拋山林入朝市。平地咫

尺千棗斜。厚梁州記萬古城沂漢上七里棗谷口南口曰棗北口曰斜白樂天詩云塗窮平谷險舉足劇棗斜欲從

稚川隱羅浮。援葛洪字稚川隱千羅浮山先與靈運開永嘉。次公永嘉温州也謝靈運在永嘉登山臨水佳處無不游嘗自始寧南山伐木開徑直入臨海

首參虞舜款韶石。厚郡國志韶州有韶石舜登此石奏韶樂次謁六祖登南華。次公南華寺在韶州大祖曹溪道場也仙山一見五

色羽。次公言五色雀也廣南有之雪樹兩摘南枝花。赤魚白蟹箸屢

下。厚一作白魚赤蟹又何曾日食萬錢猶云無下箸處黃柑綠橘邊常加。續周禮邊人掌四簋之實加邊

之實菱。糖霜不待蜀客寄。次公東蜀梓州有糖霜而廣南亦有荔支莫信閩

蘇東坡詩集卷二

人誇厚荔支譜云廣南及梓慶之間所出大恣傾白蜜收五稜

也去聲厚南嶺錄瀧州山中多紫石英其大小皆五稜兩頭如箭鏃者水飲之暖而無毒天公白蜜以言酒也廣南以田畝為稜收五稜則所種酒稻也細斲黃土栽三極正輔分人參婦種韶陽來詩本用極字惠州無書不見此字所出故且從木奉和天公人

然放杖凌蒼霞參贊曰三極五葉背陽向陰豈無軒車駕熟鹿亦有鼓吹號寒

鼉援孔稚圭聞庭前鳴鼉仙人勸酒不用勺石上自有尊

關厚元次山祿尊銘序道州城東有左湖湖東二十步有水石山山顛有麻石可以為尊徑從此路朝玉

闕千里莫遣毫釐差故人日夜望我歸相迎欲到

長風沙厚李白長千行相迎不道遠直至長風沙持晦豈知乘查

天女側獨倚雲機看織紗續博物志天河與河通有居海島者每年見浮槎來往返不失期人異之遂齋糧乘之忽至一處望舍中多織婦俄見一丈夫牽牛渚次飲之後隨槎復返因至蜀問嚴君平君平曰某年月日有客星犯牛斗約日計

行到水窮處厚王維詩行到水窮處坐看雲起時庶幾一見留子嗟次公詩丘中有麻彼留子

嗟注云留大夫氏子嗟字也千年枸杞嘗夜吠援續神仙傳朱孺子一日忽見二花犬相趨入枸杞叢下因異之乃尋掘得二枸杞根形狀如犬次公白樂天詩不知靈藥根成狗怪得時聞夜吠聲無數艸棘工藏遮但

令凡心一洗濯神人仙藥不我遐山中歸來萬想滅豈復回顧雙飛雅

同秦仲二子雨中游寶山

平明已報百吏散半日來陪二子閒立鵲低昂煙

雨裏次公東方朔外傳武帝宴坐朔執戟在殿階旁屬指獨語上從殿上見朔呼問之對曰殿後樹上有鵲立松枝東向而鳴行人

出沒樹林間五月十日與呂仲甫周邠僧惠勤惠思清

順可久惟肅義詮同泛湖游北山

三吳雨連月湖水日夜添尋僧去無路激激水拍
檐駕言徂北山得與幽人兼清風洗昏翳晚景分
穠纖縹緲朱樓人斜陽半疎簾臨風一揮手悵焉
起遐瞻世人驚朝市獨向溪山廉此樂得有命輕
薄神所殲

病中游祖塏院

無已案杭州圖經云祖塏法雲院開成二年唐文宗建皇宋太平興國六年改

作今額補注今虎跑寺

紫李黃瓜邨路香烏紗白葛道衣涼閉門野寺松
陰轉欹枕風軒客夢長因病得閒殊不惡安心是
藥更無方道人不惜階前水借與匏尊自在嘗

夜泛西湖五絕

新月生魄迹未安

次公杜甫初月詩影斜輪未安

纔破五六漸盤桓今

夜吐豔如半璧

次公盧全詩是夕吐豔如長虹又云初露半箇鉞漸吐滿輪魄

游人得向三

更看

三更向闌月漸垂欲落未落景特奇明朝人事誰

料得看到蒼龍西沒時

次公蒼龍角亢之宿夜半而沒

蒼龍已沒牛斗橫東方芒角昇長庚漁人收筒及

未曉船過惟有菰蒲聲

時湖上禁漁皆盜釣者也

菰蒲無邊水茫茫荷花夜開風露香漸見燈明出

遠寺更待月黑看湖光

湖光非鬼亦非仙風恬浪靜光滿川須臾兩兩入

寺去就視不見空茫然

湖上夜歸

我飲不盡器次公飲不盡器出何諷湯賦半酣味尤長籃輿湖上歸

續晉王弘邀陶潛還州問其所乘答曰素有脚疾向乘籃輿亦足自反乃令一門生二兒共輿之春風吹面涼行

到孤山西夜色已蒼蒼清吟雜夢寐得句旋已忘

尚記梨花邨依依聞暗香入城定何時賓客半在

亡睡眠忽驚矍蘇燈鬧河塘市人拍手

笑狀如失林麀始悟山野姿異趣難自彊人生安

為樂吾策殊未良

寒食未明至湖上太守未來兩縣令先在

子翬杭有錢塘仁和二縣倚郭

城頭月落尚唬烏烏榜紅舷早滿湖次公烏榜紅舷游湖之船也張載云

吳榜越船不能無水而浮鼓吹未容迎五馬續南齊柳元伯之子五人皆領郡號五馬次公五馬言太守也古樂

府羅敷行云五馬立踟躕杜詩人生五馬貴莫受二毛侵水雲先已颺雙鳧厚雙鳧謂二縣令也王喬為鄴令每

朔望來朝漢明帝怪之令太史伺望之每見雙鳧從東南飛來舉網得焉驗之乃尚方所賜履舄也映山黃帽螭頭

舫續鄧通為黃頭郎注云著黃帽也夾道青煙鵲尾爐厚費崇

佛法以鵲尾香爐置鄰前次公杜陵集載陶貞白有金鵲尾香爐老病逢春只思睡獨求僧

榻寄須臾

次韻劉景文周次元寒食同游西湖

絮飛春減不成年次公杜詩一片花飛減却春立豫見庭中花

復待何老境同乘下瀨船次公漢武帝紀有下瀨將軍藍尾忽

驚新火後樂天寒食詩三杯藍尾酒一碟膠牙餠遨頭要及浣花前成都太守

自正月十文蔚堂

日出游至四月十日
九日浣花乃止
山西老將詩無敵次公以言劉景文前漢贊云山西出將洛下

書生語更妍次公以言周次元謝安傳云能為洛下書生詠共向北山尋二士次公二士言清

順道潛也堯卿魏僧法度法紹游學北山綜習三藏靈跡異事世皆見聞世號曰北山二聖畫橈鼉鼓聒清眠

連日與王忠玉張全翁游西湖訪北山清

順道潛二詩僧登垂雲亭飲參寥泉寂後

過唐州陳使君夜飲忠玉有詩次韻答之

北山非自高千仞付我足西湖亦何有萬象生我

目雲深人在塢風靜響應谷與君皆無心信步行

看竹竹間逢詩鳴次公韓愈送孟東野序云東野始以其詩鳴今以言二詩僧也眼色奪湖

淥百篇成俯仰二老相追逐次公二老指言王忠玉張全翁也故應千

頃池養此一雙鵠山高路已斷亭小鄰屢促夜尋

三尺井次公三尺井指言參寥泉也渴飲半甌玉明朝鬧絲管寒食

雜歌哭使君坐無聊狂客來不速載酒有鳴夷揚

雄酒箴賜夷滑稽腹如大壺盡日盛酒人復借沽常為國器比于屬車扣門非啄木次公唐人詩云聞啄木鳥疑是扣

門浮蛆濫金碗翠羽出華屋須臾便陳跡覺夢那

可續及君未渡江過我勤秉燭次公晉語有五馬浮渡一江又古詩何不秉燭游一

笑換人爵百年終鬼錄厚魏文帝書有曰觀其姓名已為鬼錄

次韻曹子方運判雪中同游西湖

詞源濼濼波頭展俾隋文藝傳曰筆有餘力詞無竭源清唱一聲巖谷滿

未容雪積句先高豈獨湖開心自遠器先陶淵明詩心遠地自偏雲

山已作歌眉淺山下碧流清似眼尊前侑酒只新

詩何異書魚餐蠹簡

次韻仲殊雪中游西湖二首

夜半幽夢覺。稍聞竹葦聲。起續凍折絃。援賈島詩坐聞西牀琴凍折兩

三為鼓一再行。續漢書司馬相如飲卓氏所臨邛令請奏琴相如辭謝為鼓一再行曲終天自

明。玉樓已崢嶸。有懷二三子。落筆先飛雲。民瞻雪花謂之雲見

韓詩外傳共為竹林會。身與孤鴻輕。秀語出寒餓。身窮詩

乃亨。禪老復何為。笑指孤煙生。我獨念祭者。誰與

予目成。援詩如此祭者何次公楚辭大司命云滿堂兮美人忽獨與予兮目成

寶雲樓閣闌干門。民瞻寶雲寺名林靜初無一鳥喧。閉戶莫

教風掃地。卷簾疑有月臨軒。水光潏潏猶浮碧。山

色漭濛已斂昏。乞得湯休奇絕句。次公湯休以比仲殊宋僧惠休姓湯氏有詩名

于始知鹽絮是陳言。世

七月一日出城舟中苦熱

涼颼呼不來。流汗方被體。次公趙兩長嘯呼風亂流而濟又杜詩汗流被我體稀星

乍明滅。暗水光瀾瀾。香風過蓮芡。驚枕裂魴鯉。欠

伸宿酒餘。起坐濯清泚。火雲勢方壯。未受月露洗。

續杜詩火雲洗月露絕壁上朝暎身微欲安適。坐待東方啓。

望海樓晚景五絕。國器杭州圖經云東樓一名望海樓在舊治中和堂北太平寰宇記

云樓高十八丈唐武德七年置

海上濤頭一線來。樓前指顧雪成堆。從今潮上君

須上。更看銀山二十回。

橫風吹雨入樓斜。壯觀應須好句誇。雨過潮平江

海碧。電光時掣紫金蛇。

青山斷處堦層層。隔岸人家喚欲應。江上秋風晚

來急。為傳鐘鼓到西興。彦章杭州圖經云浙江渡在候潮門外對西興

樓下誰家燒夜香。玉笙哀怨弄初涼。臨風有客吟

秋扇。拜月無人見晚妝。

沙河燈火照山紅。堯祖唐地理志沙河塘縣舊治南五里咸通二年刺史崔彦曾聞昔潮水衝擊錢塘江岸至於

奔逸入城勢莫能禦故開沙河以決之河有三田外沙中沙裏沙歌鼓喧呼語笑中。為問少

年心在否。角巾敲側鬢如蓬。

自仙游回至黑水見居民姚氏山亭高絕

可愛復鵝其上

山鷓曉辭谷似報遊人起。出門猶屢顧。慘若去吾

里。道塗險且迂。繼此復能幾。溪邊有危構。歸駕駢

復尼。愛此山中人。縹緲如仙子。平生慕獨往。官爵

同一屣。師史記郊祀志武帝云嗟乎吾誠得如黃帝吾視去妻子如脫屣耳胡為此溪邊。眷眷若

有埃。國恩久未報。念此慙且泚。師韓愈龍吏詩叩頭謝吏言始慙今更羞歷官二十餘國

恩並未酬臨風浩悲咤。萬世同一軌。何年謝簪紱。丹砂留

迅晷。

登常山絕頂廣麗亭

西望穆陵關。續穆陵山在沂州沂水縣管仲言齊之封境南至穆陵東望琅邪臺。厚琅邪山

在沂州之沂水海州之朐山密州之諸城三縣界漢有琅邪縣先是越王句踐嘗治此始自皇登山樂之作琅邪臺其地在今諸城之東南南望

九仙山。續在錢塘臨安或云在密州諸城縣北望空飛埃。相將叫虞舜。厚杜詩回首叫

虞舜蒼梧雲正愁遂欲歸蓬萊。嗟我二三子。狂飲亦荒哉。紅

裊欲仙去。續趙飛燕身輕臨風如欲飛去長笛有餘哀。清歌入雲霄。妙

舞纖腰回自從有此山續羊叔子登峴山謂鄒湛曰自有宇宙便有此山古來賢達勝士登此遠望如

我與卿者多矣然湮滅無聞使人悲傷白石封蒼苔何嘗有此樂將去復徘徊

人生如朝露白髮日夜催棄置當何言萬劫終

飛灰援曹毗志怪曰漢武鑿昆明池見灰墨無復土舉朝不解以問東方朔言者以問之胡曰天地劫將盡則劫燒此劫燒之餘也

過廬山下一首 并序

予過廬山下雲物騰湧默有禱焉未午眾峰凜然

故作是詩

亂雲欲埋山勢與飄風南續詩卷阿羣嶺相應和勇

往爭驂驪可憐蒼蔚中厚詩蒼蔚兮蔚時出紫翠嵐鴈

沒失東嶺龍騰見西龕一時供坐笑百態變立談

暴雨破塊北援賈誼鵬賦大鈞播物塊比無垠注塊塵也北山曲也

飈埽渾酣廓然歸何處陋矣安足戡亭亭紫霄峰

窈窕白石菴五老數松雪雙溪落天潭次公紫霄峰白石菴五老雙溪

雖云默禱應續退之謁衡岳廟詩顧有移文慙厚周彥倫隱於

汎穎

我性喜臨水得穎意甚奇到官十日來厚白樂天詩到官來十日覽鏡

九日河之湄吏民笑相語使君老而癡使君實

不癡流水有令姿遶郡十餘里不駛亦不遲厚陶淵明詩不

上流直而清下流曲而漪畫船俯明鏡笑

問汝為誰。忽然生鱗甲。厚白樂天詩。伊水細浪鱗甲生。亂我須與睂散。

為百東坡。頃刻復在茲。沈敦謨傳燈錄。良价禪師遇水。觀影大悟。有偈曰。我今獨自往。處處得逢渠。渠

今正是我。我今不是渠。此豈水薄相。與我相娛嬉。聲色與臭味。顛

倒眩小兒等。是兒戲物。水中少磷緇。趙陳兩歐陽。

同叅天人師。次公。天人師言佛也。趙陳言景。賦履常。兩歐陽叔弼季默也。觀妙各有得。共

賦汎穎詩。

自金山放船至焦山。敬夫潤州圖經云。焦山。普濟院在金山之東。

金山樓觀何耽耽。次公。耽耽屋深貌。文選有大厦耽耽。撞鐘擊鼓聞淮南。焦

山何有有脩竹。采薪汲水僧兩三。雲霾浪打人跡

絕。時有沙戶祈春蠶。吳人謂水中可為田者為沙。我來金山更留宿。

而此不到心懷慙。同遊盡返決獨往。賦命窮薄輕

江潭。清晨無風浪自湧。中流歌嘯倚半酣。老僧下

山驚客至。迎笑喜作巴人談。焦山長老。中江人也。自言久客忘

鄉井。只有彌勒為同龕。困眠得就紙帳煖。飽食未

厭山蔬甘。山林飢餓古亦有。無田不退寧非貧。展

禽雖未三見黜。次公。柳下惠為上師三黜。叔夜自知七不堪。續嵇叔夜與山巨源

書有必不堪者。七甚不可者二。行當投劾謝簪組。為我佳處留茅菴。

同王勝之游蔣山。續舊名鍾山。漢末廣陵人蔣子文為金陵尉。討賊死于山下。孫權為

立廟改名蔣山。子仁勝之名益柔。

到郡席不煖。居民空惘然。好山無十里。遺恨恐他

年。欲款南朝寺。厚山中寺多是六朝行宮。東晉宋齊梁陳皆都金陵。謂之南朝。同登北郭船。

朱門收畫戟。紺宇出青蓮。荆公宅以為寺。夾路蒼顛古。次公。指言松檜。

也先生詩又云山中只有迎人翠麓偏。龍腰蟠故國。續山春宛轉若

蒼頡叟數里蕭蕭管送迎。明謂吳大帝曰鍾山龍蟠石城虎踞真帝王都也。鳥爪寄曾巔。厚

有鳥爪峰次公高僧傳誌公生於鷹窠手類鳥爪死葬此山上舊注非是。竹杪飛華屋。松根泫細

泉峰多巧障日。江遠欲浮天。略約橫秋水。次公略約橫木橋也。

陸龜蒙詩頭經略約冠。微亞腰插笈簪帶嘉頻。娟娟。

至真州再和二首

老手王摩詰窮交孟浩然。論詩曾伴直。厚孟浩然為王維所知維待詔

金鑾殿與之商較風雅忽遇上幸維所浩然錯愕伏牀下維不敢隱因奏

間上欣然曰朕素聞其人因得召見命吟詩浩然曰北闕休上書南山婦

敝廬不才明主棄多病故人疎上曰朕未嘗棄人自是卿不求進因命放還師南史劉孝標言利交有五曰窮交。話舊已忘

年北上難陪驥東行且趁船。離亭花映肉。續杜詩寄呈蘇漢侍

御云憶子初尉永嘉。去紅顏白面花映肉。醉眼鷺窺蓮。拖轉三山沒。風回五

兩偏。次公五兩字出郭璞江賦有云覘五兩之動靜而李善注引兵書

慎淮南子注曰統候風也音桓楚人謂之五兩又荒祠過瓜步。續揚

五臣之翰曰五兩鳥毛為之置竿之上以候風。荒祠過瓜步。州江

都縣瓜步鎮乃古秋瓦隄松巔。聞道清香閣。次公韋應物詩

往真州渡口也。新。篇白玉泉。莫教門掩夜。坐待月流天。厚謝莊月賦白露

小院檀槽開。空庭擘燭煙。公詩便堪唱。為付小嬋娟。

公顏如雪柏。千載故依然。笑我無根柳。空中不待

年。師劉義慶世說云顧說之與晉簡文帝同年說之早白帝問

卿何以先老對曰蒲柳之姿望秋先隕松柏之質隆冬轉茂。宵留

歸闕旆。坐待迎風船。特許門傳鑰。那知箭起蓮。續

花漏法以水。相逢月上後。小語坐西偏。厚仁退之庭柳詩朝日

浮箭為候。出其東我常坐西偏。文蔚堂

流落千帆側。厚劉禹錫詩沈舟側畔千帆過病木前頭百樹春追思百尺巔躬耕

懷谷口。援揚子云谷口鄭子真耕乎嘉石之下名振於京師水石羨次平泉。續唐李德裕平泉莊周四十里名花

後世以平泉一石一花移他處者非李氏子孫。養真衡節下庶以善自名。

聞宣室召。厚前漢賈誼傳諫論長沙文帝思誼徵之至入見上方受釐坐宣室遂問以鬼神之事歸近御鑪

煙。次公唐人詩從事不須輕御史滿身猶帶御鑪煙未用歌池上。續樂天有池上樂之詩隨宜教

李娟。厚樂天為蘇州和元稹霓裳歌云李娟張態君莫嫌亦擬隨宜且教取

孟震同遊常州僧舍三首。子仁震東平人嘗為黃州通判

年來轉覺此生浮。次公莊子其生若浮其死若休又作三吳浪漫游。次公唐元

忽見東平孟君子。夢中相對說黃州。無已先生

君子泉銘序云孟君亨之篤學而力行克有常德信於朋友一時皆稱之曰此君子也因號之孟君子君通守齊安其園有泉早不加損水不加益

因名之曰君子泉又先生有跋云孟君名震字亨之及進士第為承議郎

湛湛清池五月寒。小山無數碧巒岈。穉杉戢戢三千本。厚戢戢多貌盧仝月蝕詩萬國赤子戢戢魚頭生且作凌雲合抱看。

知君此去便歸耕。笑指孤舟一葉輕。待向三茅乞靈雨。續三茅指言茅山也茅君兄弟三人皆為神仙半篙流水送君行。

儋耳山

突兀隘空虚。他山總不如。君看道旁石。盡是補天餘。

觀湖二首

乘查遠引神仙客。萬里清風上海濤。回首不知沙界小。飄衣猶覺色塵高。須彌有頂低垂日。兜率無

文蔚堂

根下戴鼇釋梵茫然齊劫火。飛雲不覺醉陶陶。
朝陽照水紅光開。玉濤銀浪相徘徊。山分宿霧儘
寬遠。雲駕高風馳送來。昇霞影色散殘火。及物氣
燄明纖埃。可憐極大不知已。浮生野趣悠悠哉。

滄洲亭懷古

湘水悠悠天際來。夾江古木抱山回。城中人物若
可數。日晏市散多蒼苔。九嶷巉天古雲埋。遙想帝
子龍車迴。心衰目極何可望。九歌寂寂令人哀。

游中峰杯泉

石眼杯泉舉世無。要知杯度是凡夫。可憐狡獪維
摩老。戲取江湖入盃盂。

火星巖

火星巖下石凌壁。閣上相忘止一僧。莫問人間興
廢事。門前流水几前燈。

觀大水望朝陽巖作

朝陽巖前不結廬。下眺江水百步餘。春泉濺濺出
乳竇。青莎白石半滂涂。不到津頭二三日。誰知江
水漲天墟。遙望橫杯不敢濟。巖口正有人罾魚。

惠州近城數小山。類蜀道春與進士許毅
野步會意處。飲之且醉作詩以記。適參寥
專使欲歸。使持此以示西湖之上諸友。庶
使知余未嘗一日忘湖山也。

夕陽飛絮亂平蕪。萬里春前一酒壺。鐵化雙魚沈
遠素。劍分二嶺隔中區。花曾識面香仍好。鳥不知
名聲自呼。夢想平生消未盡。滿林煙月到西湖。

蘇東坡詩集注卷第二

